


# BUKU YA LUZINGU

## YA MWANA-DIMEME

 Mbote, bankundi. Yawu vwandaka ngitukulu samu na munu na kuvwanda awa bubu yayi. Mu vwandaka vingila ve kuvwanda awa. Mu zolaka vwanda kuna na Kentucky. Mpe nkundi mosi ya munu ya luzolo bakaka kimbevo ya kulutila mingi, Mpangi ya beto Lyle McSpaddin. [Kisika ya mpamba na bande—Mu.] . . . ya vwandaka kufwa na kimbevo na lupitalu. Mrs. Ferguson yina vwandaka kwisa awa, mwana ya yandi ya bakala vwandaka kufwa, dyaka, na lupitalu. Mpe na yawu mu kwendaka ve, mpe mu bikanaka kaka samu na bawu.

<sup>2</sup> Mpe kuna Tata Matheny ya dibuundu ya Pentecote na New Albany, na Bala-bala Silver, kaka ntama. . . Ya kele na kati-kati. . . Ya kele na Oak mpe Silver, mu banza. Mpe yandi. . . Mu zolaka zonza na zulu ya yandi na nkokila yayi, mpe mu tubaka na yandi. . . Mu lendaka basisa yawu, Kilumbu ya tatu me luta, mpe tubaka na yandi ti mu ke vingila tii mu ke vutuka na Indianapolis. Mpe na yina kaka mutindu mu kotaka na lupitalu mazono, samu na kumona Mpangi Lyle, na yina, mu kutanaka na yandi. Mpe yandi tubaka, “Mbote, mu ke mona ti nge kwendaka ve.”

Mpe mu tubaka, “Ve.”

Yandi tubaka, “Mbote, kwisa, tuba, na mutindu nionso.”

<sup>3</sup> Na yawu, mu banza, kana Mfumu kuzola, mu ke vwanda kuna na nkokila yayi, samu na kutuba samu na Mpangi Matheny. Mpe, yinga, mu tubaka na yandi, ti ntangu beto kwendaka kuna, mu zolaka kuzwa lukutakanu ya kubeluka ya nzutu samu na yandi. Mpe mu ke zolaka mbala mingi kumanga kudya bilumbu tatu ntete lukutakanu ya kubeluka ya nzutu. Na yawu mu tubaka na yandi ti mu ke zonza, mpe kana muntu kuna, beto ke sambila samu na bawu, na mutindu nyonso, kaka ndonga ya bisambu ya ntangu nyonso.

<sup>4</sup> Ntangu yayi, beto me kuzwa kulutila sabala mosi, sabala mosi kubanda na Kilumbu ya ntete yina ke kwisa, ntangu yayi tii balukutakanu ke banda na Cadle Tabernacle na Indianapolis. Mpe beto ke tula kivuvu ti Mfumu ke sakumuna beto kuna, na lukutakanu ya kulutila nene. Mutindu mwana, na bivuvu ya Nowele, mu ke na kuingila lukutakanu yango. Mu. . .

<sup>5</sup> Nge, kima mosi kaka samu na kusadila Mfumu, beto me lembe mingi mwa ntangu fioti, tii kuna ya ke monana mutindu beto lendaka kwenda ntama ve. Mpe na yina ntangu beno ke pema, kaka kilumbu mosi to zole, ya kele na kima mosi ke bula

beno mpe—mpe beno fwana kwenda diaka. Na yawu, bubu yayi, beto kele awa samu na lukanu mosi, ya kele, samu na kusadila Mfumu.

<sup>6</sup> Mpe kaka na ntwala beto sambila mpe kutanga ya Ndinga, mu zola lomba pardo samu na Mpangi Neville. Mu . . . Mazono, mu vwandaka na yinzo na Kentucky, mazono, na lukanu mosi, samu na kulonga samu na yandi na radio. Kilumbu ya sambanu yina ke landa, mpe Nzambi zola, mpe Mpangi Neville zola, Mu zola kuzonzila na Kilumbu ya sambanu yina ke landa, samu na Mpangi Neville.

<sup>7</sup> Mpe na yawu, yandi vwandaka na lemvo mingi samu na kulemvokila munu, kukondwa mpasi. Yandi tubaka . . . Mu banza ti mu me baka ndandu ya yandi, mpe yandi kele mosi ya bantu yango yina lenda . . . Mu lenda vutula mbote, mpe, “Na kuvingilaka muntu mosi.” Mpe yinki me tula munu na suka-suka na suka yina ntangu ba bokilaka munu na Mpangi Lyle mpe bayankaka, na New Albany. Mpe mu . . . Ya vwandaka kaka pene ya baminuti kumi na ngunga ya yivwa, mpe mu tubaka, “Oh, mu fwana vwanda na luzabusu yina na baminuti kumi.” Mpe awa, munu na Jeffersonville, yandi kuna ke na kuvingila munu. Na yawu mu . . .

<sup>8</sup> Mpangi Wood bokilaka yandi mazono, mpe mu banzaka ti mu ke bika Mpangi Wood kulemvokila munu, ntete, beno zaba. Na yina yandi pesaka kaka yawu kitumbu samu na kusala ti munu longi na suka yayi, samu na kukulumuka. Na yawu awa beto vwandaka. Mpe na yawu yandi . . . beto kele . . .

<sup>9</sup> Beto ke tula kivuvu ti—ti Nzambi ke—ke vwanda na balukutakanu ya beto. Mu me kuzwa kima mosi ve mu kanaka; mu zaba ve kisika ya kubanda na Masonuku; mu bakaka kaka Biblia ya munu mwa ntangu fioti me luta, mpe mu kwendaka mbangu. Mu zolaka kuzwa Biblia ya munu Collins, samu ti ya kele ya kusonika na mwa bisono ya nene mingi.

<sup>10</sup> Oh! Mu me luta makumi yiya, beno zaba. Na yawu, ntangu beno ke kuma na bamvula makumi yiya, kima pene-pene ya beno, beno ke mona yawu ve mutindu beno vwandaka sala, beno zaba. Bantu yikwa zaba ti ya kele kieleka? Yinga. Yinga, tata.

<sup>11</sup> Awa ntama mingi ve, mu banzaka, “Tuba, ya kele na kima mosi ke tambula mbote ve na munu, Mu lendaka ve kulwata maneti ya vert to maneti ya ntinta ya ntinta ya café.” Mu lendaka ata fioti; ya ke pesa munu kimbevo na kifundu. Na yawu mu tubaka, “Ya kele na kima ke tambula mbote ve.” Mu bokilaka Docteur Adair, mpe mu tubaka, “Doc, yinki ntinta . . . Nge lenda fyongonina meso ya munu, tuba na munu yinki ntinta ya maneti mu fwana kuzwa?”

<sup>12</sup> Yandi tubaka, “Munu, mu lendaka tuba na nge yina.” Yandi tubaka, “Mu ke tuba na nge. Mu ke fidisa nge kaka na Louisville, na spcialiste mosi kuna, na zulu ya yawu.”

13 “Mbote,” mu tubaka, “Mu zola ve kizame ya disu.” Mu tubaka, “Mu ke na meso ya mbote. Mu lenda telama mpe kumona nsuki na ntoto.”

14 Yandi tubaka, “Kasi, ya ke vwanda mbote na kupesa nge kizame, na mutindu nionso, mpe yandi ke tuba na nge yinki ntinta nge fwana kuzwa.”

15 Na yawu, mu kwendaka kuna. Mpe, beto bakulaka ti, yandi vwandaka mpangi-bakala ya Muklisto, yandi zolaka vutuka na Afrika na munu mpe kusala ba-lipaso. Yandi tubaka, “Ntangu yayi, bantu ya bwala yina kuna kele ya ngitukulu mingi, beno me mona.” Yandi tubaka, “Ba ke bika ve mbele kuzenga bawu.” Kasi bawu zola beno. “Mpe mu zola kupesa bangonda sambanu ya kisalu ya kimpwanza, ya kubaka ba-cataracte mpe bima mutindu yina, samu na bantu ya bwala.” Mpe yandi tubaka, “Ntangu nge ke kwenda kuna,” yandi tubaka, “Mu ke zola kupesa bangonda sambanu ya luzingu ya munu na kisalu ya Mfumu.”

Mu tubaka, “Doc, nge ke kwikilaka na kubeluka ya Kinzambi?” Yandi tubaka, “Konso ndinga ya yawu.”

16 Mpe yandi pesaka munu kimbangi, pene ya ntangu mosi ntangu. . . Yandi vwandaka specialiste ya laka mpe disu. Yandi tubaka ti ba bokilaka yandi. Mwa bébé mosi minaka mosi ya ba-sifflet yina, mpe simbaka yandi na laka ya yandi. Yandi tubaka, “Mu kwendaka kuna, mpe bébé vwandaka kwenda kaka. Ba nataka yawu na lupitalu. Ya vwandaka ve na kima yina beno lendaka sala.” Yandi tubaka, “Mu zabaka ve yinki kusala. Na yawu,” yandi tubaka, “Mu vwandaka kaka, mu vwandaka zola, mu kwendaka na kivinga, mpe mu tubaka, “Tata ya Mazulu ya luzolo, sadisa munu na kuzaba na mutindu nyonso yinki ya kusala samu na bébé yina ya mawa. Ya ke na kufwa. Mpe mu lenda ve kuzwa kima pene-pene ya yawu, samu na kubenda yawu, mpe mu zaba ve yinki ya kusala.” Mpe yandi tubaka, “Bébé yango kwendaka, ‘Uh!’ Mpe sifflet bulaka na ntoto. Na yawu,” yandi tubaka, “wapi mutindu mu lendaka landila na kukwikila?” Bisambu ke sobaka bima. Ya kieleka. Na yawu, yandi tubaka na munu. Beto vwandaka kuna mpe vwandaka solula mwa ntangu fyoti.

17 Mpe yandi vwandaka na mwa kivinga yina, ya mudidi, yandi vwandaka na mwa kima yina kwisaka kuna, mpe mu monaka mwa nsemo ya mbwaki. Yandi tubaka, “Nge lenda tanga yawu?”

18 Mu ke mona yawu tubaka makumi zole na zole. Mu tubaka, “Yinga, tata.” Mu lendaka tanga yawu, to mutindu, makumi zole na zole. Na yina yandi tulaka kumi na tanu-kumi na tanu, mu lendaka tanga yawu. Mpe kumi-kumi, mu lendaka tanga yawu.

19 Yandi tubaka, “Mbote, ya kele ve na yimbi mingi na meso ya nge.” Na yina yandi tulaka mwa télescope mosi awa, na . . . Yandi tubaka, “Tanga yawu samu na munu.” Mpe mu me tala yawu, mu

lendaka tanga yawu mbote. Yandi landilaka na kubelama, pene-pene. Mu bandaka na kutambula malembe na ntangulu ya munu. Ntangu yandi kumaka mutindu *yayi*, mu bikaka. Yandi tubaka, “Mu ke tuba na nge, ntete mu yufula nge. Nge me luta makumi yiya.”

Mu tubaka, “Yinga. Ya kele kieleka.” Mu tubaka, “Mu kele na bamvula makumi yiya na tanu.”

<sup>20</sup> Mpe yandi tubaka—yandi tubaka, “Mbote, ntangu muntu ke luta makumi yiya. . .” Yandi tubaka, “Mu ke mona ve wapi mutindu nge me manisa na yawu kubanda ntama.” Yandi tubaka, “Kaka mutindu bansuki ya nge ke kuma mpembe, mpusu ya nge ke na mifutu, bansuki ke kwisa na makutu ya nge, mpe nionso yina.” Tata Egan lendaka tuba yawu na beno, mutindu coiffeur. “Mpe ntangu beno ke luta bamvula makumi yiya,” tubaka, “ba-globe ya meso ya beno ke kuma plat mpe ya ke zibuka ve.” Yandi tubaka, “Ntangu yayi mu ke tuba na nge wapi mutindu ya kusala yawu. Mbote, ntangu yayi, nge ke kangisa meso ya nge kieleka pene-pene kintwadi, mpe tanga yawu.”

<sup>21</sup> Mbote, mpangi ya bakala, mu lendaka tanga yawu, kana ya vwandaka *yayi* pene-pene ya munu, yina ke kangisa meso ya munu. Mu ke tula maboko ya munu mutindu *yina*, mpe mu ke sala mwa télescope, mutindu, beno lenda tanga yawu. Ya kele ve kima ke tambula mbote ve na meso ya beno. Ya kele kaka nkadulu, bamvula makumi yiya, bantu fwana kulwata maneti.

<sup>22</sup> Mpe na yina yandi zolaka sala munu mosi. Mpe, mbote, yandi salaka yawu. Kasi mu—mu me salaka ntete ve mutindu bima, beno me mona. Mpe mu—mu ke banzaka ntangu nionso na bawu, mpe mu ke tangaka ntangu yankaka. Mpe, kasi, mu me kuzwa kaka Biblia ya Collins, yina kele mwa kima mosi ya nene mingi. Mpe mu banzaka, “Mbote, mu lendaka ve kulwata yawu, beno me mona.” Mpe beno ke—beno ke tala ve. . . Kana mu lendaka tala na nganda, mutindu *yina*, beno lenda mona kima mosi ve. Kasi beno ke tala na yisi, kuna ya ke nata yawu na beno.

<sup>23</sup> Yandi tubaka, “Ntangu yayi, beno banda na kutanga mutindu *yayi*,” yandi tubaka, “kima ya ntete beno zaba, beno ke landila na kupusa diboko ya beno na manima. Ntama mingi ve, diboko ya nge kele yinda mingi ve, samu nge kuma na yawu.” Na yina, ya kele—ya kele mutindu ya kele.

Mpe na yawu, ntangu yayi, Mfumu sakumuna.

<sup>24</sup> Ntangu yayi mu zola kuyufula beno kima mosi, na suka yayi, ntete beto banda na leso ya lukolo ya Lumingu. Yinki—yinki kele mfunu? Mu vwandaka banza na yawu. Kana mu vwandaka na laka mingi na suka yayi, mu zolaka longa dilongi yina. Kasi, laka ya munu, ya yimbi, mpe mu kuzwaka lukutakanu yayi yina ke na kwiza awa, New Albany, na nkokila yayi. Mpe na yina, diaka, mu bakaka. . . Ba-campagne ke banda. Mu zola kulonga

mwa ntangu fyoti, na suka yayi, na Masonuku mosi. Kasi, yinki kele mfunu?

<sup>25</sup> Mama ya munu, mu banza ve ti yandi kele awa. Mu ke mona yandi kisika mosi ve. Yandi kele? Yinga, mama, nge ke na kukuma fyoti. Na yawu, mu yufulaka yandi mazono. Mu me yufula yandi dilongi, samu ti mu vwandaka longuka yawu. Beno me kuzwaka ntete kima na dibanza ya beno, beno banda kaka na kulongoka? Mpangi Weber, nge salaka yawu bambala mingi, mpe nge bandaka kaka na kulongoka.

<sup>26</sup> Yinki kele mfunu? Mpe mu bandaka na kubanza. Mu tubaka, “Nge zaba, kana mu vwandaka na kikunku ya bankama ya mafuku ya ba-dollar awa na kati, mpe mu vwandaka na mwa buto mosi awa. Kana mu fina buto yayi, mu ke zimbisa mafuku ya ba-dollar ya munu, kasi mu fwana kutuba na tata ya munu ya kiboba yina me kwendaka, mutindu ngunga mosi, muntu yina ke kufwaka dyaka. Yinki mu fwana sala?” Kukondwa maketi-keti, mu ke fina buto. Mu ke pesa nkama ya mafuku ya ba-dollar, na suka yayi, samu na kuvwanda papa ya munu kuna na kiti yayi, na yina mu ke longa leso yayi. Na yawu yinki kele mbongo? Wapi mutindu ya kele na moyo kulutula mbongo? Beno me mona?

<sup>27</sup> Ntangu yayi, mama, beno ke bambuka moyo ntangu mu vwandaka na mwa Ford yina ya ntama ya modele, mwa modele 1926? Wapi mutindu mu zolaka lengula kima yina! Mu vwandaka kaka mwana ya fioti, pene ya bamvula kumi na sambanu, kumi na sambwadi. Mu vwandaka musumuki kuna. Mpe bantangu yankaka . . . Mu vwandaka sala na Tata Genter na manima kuna. Mpe mu ke . . . Na manima ya Lumingu na manima ya midi . . . Na Lumingu na suka, mu ke kwenda kuna mpe mu ke lengula mwa bima nionso ya fioti mpe bima, samu na pompi ya mupepe, mpe kusukula yawu. Lumingu na manima ya midi, mu ke lengula mwa Ford yina ya ntama, tii ya vwandaka monana ti mukubu zolaka kaka kukatuka na yawu. Yinki ke salama kana mu meka, na suka yayi, samu na kuzwa kitini mosi ya Ford yina? Yinki kana mu mekaka na kuzwa mosi ya mwa bima yayi ya fioti, ntama na pompi yayi ya mupepe? Na ntangu yina mu lendaka nunga mioyo, mu vwandaka lengula Ford ya munu. Mu ke kukiyufula wapi luvalu kele.

<sup>28</sup> Mu vwandaka sala na basuka ya Lumingi kuna, kulutula mutindu bawu zolaka bika munu. Mu sepelaka na yawu, samu mu vwandaka na mfuka. Mpe mu . . . Kasi wapi—wapi kisika ya me kuzwa munu? Yinki ya me nunga?

<sup>29</sup> Mpangi Ledford, yinki kana muntu kwiza na nge mpe munu, mpe Mpangi Neville, na suka yayi, beto nionso awa, tatu, beto zola tuba, mpe kutuba, “Balongi, mu ke pesa mosi na mosi ya beno ba-million ya ba-dollars.” Muntu mosi vwandaka na mfunu . . . lendaka sala yawu.

<sup>30</sup> Mpe mu tubaka, “Ntangu yayi, Mpangi Ledford, Mpangi Neville, mu ke tuba na nge yina beto ke sala. Beto basika mpe beto tala bantu nyonso ya mawa yina beto lenda. Beto sala ti mwa yinzo nionso ya fioti kuvwanda na kiese, samu na kuzwa mwa bilele samu na bana, mpe kufuta mfuka, to ke sumba mwa kisika yayi. Beto ke kondwa yawu ata fioti ve. Mafuku ya ba-dollars kitini mosi, na yina, bandandu ke basika na yawu, beto ke keba yawu mingi mutindu beto lendaka sala na yawu; beto ke tula yawu na kati ya mwa munkiti ya mbote to kima mosi. Mpe na manima yinki beto ke sala? Ya ke vwanda mbote, ti, muntu mosi ve zaba kima mosi samu na yawu. Bantima ya beto ke vwanda na kiese.

<sup>31</sup> Kasi, ntangu yayi, na bamvula nkama mosi me katuka bubu yayi, bampangi, ya ke lombamba kimangu ya Nzambi, kana beto ke na kuzinga dyaka bamvula nkama mosi, beno zaba yawu. Ntangu yayi, beto ke vwanda na Seko. Wapi mbote ba-million ya ba-dollars ke sala, to bawu nionso ke pesa mada na bamputu, mpe bima yina beto salaka? Beno me mona? Ya zolaka vwanda mingi ve. Kana mu vwandaka na milliard, na suka yayi, wapi mbote ya zolaka sala beto na manima beto me kwenda?

<sup>32</sup> Kasi beno bika mu tuba na beno kima mosi. Beto kele ve na mbongo yina. Beno kele muntu ya mputu; beto nionso kele. Ya kele kieleka. Beto ke zingaka na nzila ya makabu ya bantu, na kuvwandaka milongi. Kasi mpangi-bakala, na Afrique, mwana-bakala mosi ya ndombe na zulu *yayi*, to kento ya kindumba kuna na bala-bala na Louisville, moyo mosi vulusaka; na Seko, ntangu mbwetete yina ke sema kuna, ba ke kanga nkumbu ya beto na kati ya yawu. Yina kele luvalu ya beno. Ya kele ve wapi mutindu ya bima beno me kuzwa, wapi mutindu beno zola. Ya kele mutindu beno lenda sala na myoyo ya kuvulusa samu na Klisto Yesu. Mbongo ya beto ke zimbana.

<sup>33</sup> Mu lengulaka mwa Ford yina ya ntama. Mpe na suka yayi, ya kuvwanda kuna na kati ya garage kele Cadillac yina ba pesaka munu. Kasi mosi ya bilumbu yayi, Cadillac yina ke vwanda mutindu Ford kele, yawu ke vwanda diaka ve. Kasi Nzambi ke vwanda kaka mutindu mosi. Kasi, kana mu kuzwa moyo ya kuvuluka samu na Klisto, mpangi, ntangu nyonso yina ya kele na Seko, nkembo ya Nzambi ke pema na zulu ya moyo yina.

<sup>34</sup> Na yawu, yinki kele luvalu, na mutindu nionso? Yinki mbote ya ke sala, ntangu bampasi kele na kati ya laka ya beno, mpe dokotolo ke mona kubula ya ntima ke na kumata na diboko ya beno? Yinki mbote kele mbongo nionso mpe kuzabana nionso? Bantu ke bula beno mbata na manima, to beno me kuma muntu ya nene, wapi mbote ya ke sala beno? Ata fyoti ve. Ya ke zimbana, mpe ke vwanda awa na zulu ya ntoto.

<sup>35</sup> Kasi, moyo mosi me vulusaka, beno ke mona nkumbu ya beno me bumbama na kati ya yawu, ntangu mbwetete ya suka ke sema

na zulu. Na yawu, beto vulusa mioyo, bampangi. Mosi na mosi, beno yina ke kota na yinzo, beno fwana vwanda mulongi ve; beno sala kima mosi samu na nkembo ya Nzambi. Beno bambuka moyo, bima ya Seko kele yina ke luta ntangu nyonso, mpe, ya kele, kuzwa myoyo ya kuvuuka. Bika yawu vwanda kima ya ntete, ya kisalu ya beno nionso mpe mabanza ya beno nionso mpe mitifi ya beno nionso.

<sup>36</sup> Mazono, mu vwandaka pene-pene, mu simbaka diboko ya mama, diboko ya munu pene-pene ya yandi, mpe nkawa ya yandi ke tekita.

<sup>37</sup> Mpe mwana ya yandi ya bakala vwandaka kuna, vwanda kufwa, yandi tubaka, “Billy, mu—mu vwandaka na nsatu mpe vwandaka vingila nge vutuka na tabernacle.”

<sup>38</sup> Mu tubaka, “Mpangi-kento Ferguson, mu—mu ke zola kusala yawu.” Yandi tubaka... Mu tubaka, “Mbote, tala, mpangi-kento. Kisika mu lendaka kuzwa mu banza mioyo makumi tanu me kuzwa mpulusu, na mvula mosi, na kati ya tabernacle, yina ke vwanda kuyonzika ya mbote samu na mvula mosi. Mu lenda kuzwa nkama ya mafunda ya bawu ya kuvuuka na yinsi yankaka. Beno me mona?”

<sup>39</sup> Ntangu mu ke kota na Nkembo, mu zola ve... Nzambi ke vulusa munu. Yandi vulusaka munu. Yina me sukisa dyambu. Kasi kima ya yawu kele, ntangu mu ke kuma kuna, mu zola kutala bisika nyonso mpe kumona bambwetete kusema. Amen. Mu—mu zola kumona kima mosi yina ke sala kima mosi.

<sup>40</sup> Kana mu—kana mu kufwaka, mpe mu vwandaka muntu ya nene, ntwadisi ya yinsi mutindu Lincoln, to kima ya mutindu yina, ba ke tunga, monima ya nene; kasi kilumbu mosi ya ke vwanda ve. Kasi moyo mosi me kuzwa mpulusu, na Nkembo, ba ke kanga nkumbu ya beno na yawu, ntangu nyonso yina ya ke vwanda na Seko yina ke baluka.

Mbote, beto sambila ntangu yayi.

<sup>41</sup> Tata ya beto ya Mazulu, na kukikulumusya nionso me kwisa na Nge, na suka yayi. Nzambi, mu kele na kyese ti mu me vumbuka, pene ya bamvula makumi zole na tanu me luta, samu na dikani yango ti—ti kiese kele ve samu na bima ya yinza yayi. Ya ke salaka bima ya Kukonda nsuka, yina ke sala beto kiese na kati ya moyo ya beto.

<sup>42</sup> Mpe mutindu mu ke vutula matondo, na suka yayi, mpe mu ke vutula matondo na Nge, samu na mpulusu ya Nge mpe lemvo ya Nge, yina ke pesa munu muswa, Mfumu, kumona pene-pene ya mafuku ya mioyo kufukama na autel. O Nzambi, kilumbu mosi ya nkembo, ntangu mu ke sabuka na simu yina, mu banza kumona bawu nionso ke sema kuna, mutindu bambwetete. Bampangi ya munu awa, bampangi ya munu ya bakento, na suka yayi, mosi na mosi ke kuwa mutindu mosi. Bawu vwandaka kitini na yawu, Mfumu, na nzila ya bisambu ya bawu mpe

kubondila ya bawu, mpe kangamaka na Nzambi; ke sambila, ke solula na bayankaka, mpe ke zonza mingi na bima ya Nzambi.

<sup>43</sup> Mpe beto ke tula kivuvu, bubu yayi, Nzambi, kana ya kele na mosi na kati awa yina kele kaka ve kisika ya zolaka vwanda, to me ndimaka ntete ve Klisto mutindu bawu zolaka, bika ti yayi kuvwanda kilumbu yina bawu yina ke kufwaka ve, Lukanu ya Seko ke bakama, samu na kusadila Nge. Pesa yawu, Tata.

<sup>44</sup> Bika ti konso Muklisto, na kati awa, bika ti ntima ya bawu kupela na kati ya bawu, samu na kukwenda kisika mosi kuna, na bala-bala mpe na babala-bala ya nene, mpe samu na kukotisa mioyo yina me zimbana, ata ti wapi mutindu ya kukikulumusa ya kele, ba lendaka kotisa moyo mosi yina ke nata mafuku na manima ya yawu. Beto zaba ve yina beto ke na kusalaka. Bantangu yankaka mwa bamama yayi ke kukiyufulaka, Mfumu, kasi bawu zaba ata mbala mosi ve yina bawu ke na kuzonzila, ntangu ba ke tuba na ntwenya ya bakala, to kiboba mosi ya bakala, to kima mosi samu na moyo ya bawu. Pesa, Mfumu.

<sup>45</sup> Ntangu yayi beno kota na kati ya Ndinga. Mfumu, Nge kele na kati ya Ndinga. Mpe pesa beto lukwikilu samu na kusala Ndinga kuzinga mpe kusala, bubu yayi, na baluzingu ya beto, na kati ya bantu ya beto. Samu beto me lomba yawu na Nkumbu ya Yandi mpe samu na nkembo ya Yandi. Amen.

<sup>46</sup> Mu ke kwikila ve kana ya vwandaka Dwight Moody. Mu banza ti ya vwandaka, sapatu ya Boston, ti kilumbu mosi. . . Mwa kento mosi, na bilumbu ya ntete ya ba-Methodiste, yandi zolaka kusala kima mosi samu na Mfumu. Na yawu, yandi vwandaka sukula bilele, mpe yandi bumbaka mbongo ya yandi, yandi bakaka dollar mosi na ndambu, Mu ke kwikila, kuvwanda na mulongi mosi ya kiboba yina ke kwisa longa samu na yandi. Mpe yandi futaka mbongo na kisika yina ba ke yidikaka bampunda, samu na mosi na zulu ya yiya to kima mosi, samu na nkokila yina. Ba kombulaka kidikilu yina ya bampunda, mpe tulaka mwa kisika ya kuvwanda ya kusukula na yisi, samu na chaire.

<sup>47</sup> Mpe kaka samu na kulakisa beno mutindu ya kele mpasi ve, samu na beno bakento ya yinzo, ntangu yayi. Beno me mona? Beno ke tuba, "Oh, Mpangi Branham, kana mu lendaka longa!" Beno fwana ve. Beno kaka. . . Beno kele kimbangi. Beno kele lutumu; luzingu ya beno.

<sup>48</sup> Mpe yandi bakaka mwa mikanda ya fioti, mpe kwendaka kuna na nsongi, na kusamunaka lukutakanu, mpe na kulutisaka yawu. Ntangu nionso muntu mosi ke simba yawu, ba ke losa yawu. "Exalté! Fanatiki!" Mpe landila na kutambula. Beno me mona?

<sup>49</sup> Mwana-bakala mosi ya kiboba kwisaka kuna, na pantalon ya kilo ya kilambu. Ba-bretelle ya tata ya yandi na zulu ya



mapeka ya yandi; bansuki vwandaka kulumuka na kizizi ya yandi. Yandi tubaka, “Mama, yinki nge ke na kupesaka?”

Yandi tubaka, “Mukanda ya fioti, mwana.” Yandi pesaka yawu na yandi, mutindu *yina*. Yandi talaka yawu, yandi tubaka, “Mu lenda tanga ve.”

Yandi tubaka, “Mbote, ya ke tuba ti ya ke vwanda na lukutakanu na nkokila yayi, awa.” “Oh,” yandi tubaka, “ya ke vwanda? Beno ke banza kana mu me kwisa?” Yandi tubaka, “Nge zola? Nge fwana kwiza, cherie, kana nge lenda.” “Mbote mingi, mu ke sala yawu.”

<sup>50</sup> Na nkokila yina, na manima ya bangolo ya yandi nyonso, mpe ya kulemba. Mulongi ya kiboba ya kukwikama kwizaka, kotaka na chaire mpe sambilaka. Yandi vwandaka yimba nkunga, yandi mpe mama, mpe yandi vwandaka mutindu kimvuka ya yandi.

<sup>51</sup> Na manima ya mwa ntangu fioti, ke na kutekita na kielo, vwandaka mwana ya fioti ya kulemba, bansuki vwandaka kulumuka na kizizi ya yandi. Beno zaba nani ya vwandaka? Dwight Moody. Na nkokila yina, yandi fukamaka na autel; fidisaka mafuku ya myoyo na Nzambi. Beno me mona? Beno zaba ve yina beno ke na kusalaka.

Tuba mwa mpova mosi samu na Yesu  
Pesa kimbangi, yimba, to kusambila,  
Mpe mutindu dimpa na zulu ya maza  
Ya ke vutuka na beno kilumbu mosi.

<sup>52</sup> Ya kele kieleka. Mbote mingi. Beno bambuka kaka moyo, beno kondwa ve, ve; beno nunga mwa mioyo! Nionso yina beno ke sala, beno nunga mioyo. Mu—mu kele na kyese na kumona bantu ya beto awa, na suka yayi, ata mosi ya bawu na bumputu, mutindu mu zaba; bawu nyonso ke lwata bilele ya mbote, mpe beno kele ya kutsyema; bantu ya mayela. Mu ke vutula matondo mingi na Nzambi, na kuzaba ti beno kele mutindu yina.

<sup>53</sup> Mu kwisaka awa, bankundi, na ntangu mosi, na kati ya kidi-kidi, ntangu mu longaka na ba-salopette. Mpe beno ke tambula na ba-kilometre, awa, mpe beno ke sabuka yinsi, mpe mingi ve samu na kudya. Mpe mu zaba. Ya kele kieleka. Mu ke bambuka moyo na yawu. Nzambi me sakumuna beto, mpe beto ke vutula matondo na Yandi, beno me mona.

<sup>54</sup> Kasi na suka yayi, beno me mona, mutindu beno ke tala mutindu yankaka na suka yayi, mu ke vutula matondo samu na yawu, kasi beno bika yawu ve kukanga beno. Beno bambuka moyo kisika ya katukaka, na zulu. Mpe, nunga moyo, Kuna yina ke zinga kukonda nsuka. Mpe mu banza ti ndambu ya kulutila nene na kati ya beno mu banza kele na mwa simu kisika mosi kuna. Mu kele na kyese samu na yawu, mpe ti Nzambi sakumuna kaka yawu ya kulutila. Kasi beno bika yawu ve kutelama na

nzila ya beno ya kununga moyo. Ya kele kieleka. Beno bumba mioyo ntete.

<sup>55</sup> Ntangu yayi mu vwandaka banza mu banza. . . Mu yufulaka Mpangi Neville. To, beno kele ve na lesu mosi ya lukolo ya Lumingu, na yawu beto ke longaka kaka bisika nyonso, mpe kisika mosi na kati ya Biblia. Mpe mu banzaka na yina me tala malongi, na suka yayi, mutindu mu vwandaka kulumuka, ntete mu kota na kivinga, pene, na Buku ya Apocalypse.

<sup>56</sup> Na yina mu me bambuka moyo ti dinaka ya radio mosi ke na kusalaka bandandani na zulu ya Buku ya Apocalypse. Charles Fuller, mu banza, ke tambula na buku mosi. Mpe Mpangi Fuller kele typologue, yandi mosi. Mpe mu vwandaka na boma ti beto ke vwanda kintwadi na zulu ya yawu, mpe beno me kuwaka yawu yimeni.

<sup>57</sup> Na yawu, kuna, mu banzaka ti beto ke kwenda na Buku ya ba-Hebreux. Ya kele mbote. . . Bantu yikwa ke zolaka Buku ya ba-Hebreux? Oh, ya kele nene. . . Beto kwenda na kapu ya 10. Mu banza ti ya kele kapu ya kitoko. Mu zaba ve kana mu me longaka yawu ntete, kasi mu banza ti mu me longaka yawu, awa, kitini ya yawu. Ntangu nyonso kuzwa banzila zole to tatu, mpe kuna yina ke sukisa dyambu, mpe beto ke banda na Biblia.

<sup>58</sup> Beno zaba, ntangu yankaka, ntangu mu ke kwiza na konze, mu kele kaka na nsatu mingi ya kuzwa ntangu mosi dyaka, kisika mu lendaka vwanda na tabernacle, to kisika mosi awa, mpe kuvwanda kaka na bandandani ya kulunguka, mutindu beto vwanda bakaka Biblia. Kaka mutindu na zulu ya Buku mosi, mu ke kwenda kaka, mu ke sosa yawu kaka bisika nyonso na kati ya Masonuku mutindu yayi. Yawu ke tula mpe ke vwandisa Lukwikilu ya beto. Yawu yina baleso yayi kele, ya kele kuvwandisa Lukwikilu ya beto.

<sup>59</sup> Ntangu yayi, na kapu ya 10 ya Hébreux. Mu zaba ve samu na yinki, mu vwandaka kaka kuna, mu balukaka kaka na yawu. Mpe beto zola kutanga awa, samu na mwa lesu mosi, mpe kulonga yawu. Kana beto kulumuka awa, beto tala ti beto me kota na yawu ntete, kuna mu ke. . . beto ke baluka na kima yankaka, to mu banza ti Mfumu ke twadisa beto na kima yankaka.

<sup>60</sup> Ntangu yayi beno zimbana ve balukutakanu na nkokila yayi awa na tabernacle. Mpangi-bakala ke vwanda na kuzonza na beto na nkokila yayi. Mpe kana beno kele na bankundi pene-pene ya New Albany kuna, na Mpangi Matheny, beto ke tuba kuna na mwa ntangu fioti na nkokila yayi. Mpe na manima na Kilumbu ya tatu na nkokila.

<sup>61</sup> Mpe Mpangi Junior Jackson, mu kuwaka yandi “amen” ntama mingi ve, kasi mu me vwandaka ntete ve na lenda ya kumona yandi. Mpe yandi kele na kati ya kivinga. Mpe ya yandi kele Kilumbu ya yiya na nkokila, mpe—mpe mu banza

ti yandi kele na Lumingu na nkokila. Wapi kisika nge kele, Junior? Mu lenda tula nge ve. Oh, kuyituka ve; nge kele ya kuvwanda na manima ya bakala yina ya nene kuna. Ya beno . . . Yinki . . . Kisalu ya beno na Ma- . . . Lumingu na nkokila, mpe, mutindu yina, Junior? [Mpangi Jackson me tuba, “Ya kele kieleka.”—Mu.] Kilumbu ya yiya mpe Lumingu. Mbote mingi. Mpe balukutakanu ya yandi kele na nkokila yayi, mpe yandi kele kuna na State Street, na New Albany. Etat mpe [“Monroe.”] Monroe.

<sup>62</sup> Mpangi Genter, nge me mona ti ya me luta ntangu ya yinda kubanda mu vwandaka tanga bametele, to vwandaka yidika mwa bisalu. Mu me zimbana babala-bala. Kasi ya kele . . . Mu ke zolaka kaka Mfumu Yesu mosi yina vwandaka na beto kuna, ntangu sadisaka munu na bilumbu yango.

<sup>63</sup> Mu vwandaka tuba na mpangi-bakala mosi, ntama mingi ve. Mu vwandaka kulumuka kuna ntangu mu vwandaka tanga bametele, mpe mu konkotaka na kielo. Beno tanga bametele, mpe ke basisa Biblia ya munu mpe ke tanga mwa ntangu fyoti, ntete mama kukwenda na kielo, kima mutindu yina. Mpe beno tala mwa yinzo mosi ya ntama ya mpamba. Ya kieleka, beno lenda mona bawu ve ntangu yayi, kisika muntu mosi basikaka. Beno kota kuna, mpe beno vutuka manima mpe beno fukama mpe beno sambila. Yina vwandaka nsalulu, yina vwandaka kima yina tulaka yawu kuna, samu na kutala na Yandi.

<sup>64</sup> Ntangu yayi, Buku ya ba-Hebreux ke na kukabula kati-kati ya musiku mpe lemvo. Bantu yikwa zaba ti beto ke zinga na nzila ya lemvo, mpe na nzila ya musiku ve? Mu ke kwikila musoniki . . . Muntu ve zaba nyonso kieleka. Kasi ya kele mingi mutindu Paul, tii mu zola kubokila yawu Paul ke na kusonikaka. Mpe yandi vwandaka zonza na ba-Hébreux.

<sup>65</sup> Ntangu yayi, Nsangu ya mbote kwendaka yimeni na Bantu ya makanda, samu ti ba-Juif mangaka Yawu. Mpe bawu kwendaka na Bantu ya makanda na Nsangu ya mbote. Mpe ntangu yayi ba vutulaka Paul na ba-Hebreux, samu ti mingi ya bawu zolaka vutuka na yisi ya musiku, bumba musiku, mpe kukwikila dyaka na Klisto.

<sup>66</sup> Mpe, beno zaba, yina ke zingaka dyaka bubu yayi. Ya kele na bantu bubu yayi yina ke meka na kuzitisa musiku ya Ngwisani ya Ntama, mpe dyaka kuvwanda Muklisto, ntangu mosi kele kieleka ya kuswaswana na yankaka. Kana beno sala kitini mosi ya musiku, beno fwana sala yawu nyonso. “Nge ke na kizitu,” me tuba Biblia, “samu na kusala musiku nyonso,” na yawu, kana nge sala kitini ya yawu. Mpe, na yina, kana beno zitisa musiku, mutindu munkayulu, mpe saba, mpe lutumu, mpe kudya, mpe kusukula bilele, mpe nionso yina, na yisi ya musiku.

<sup>67</sup> Kasi beto kele ve na yisi ya musiku ntangu yayi. Beto kele na yisi ya lemvo. Mpe Paul ke na kumeka na kulakisa kisika musiku

vwandaka kivudi. Ntangu yayi, na mbandukulu, awa beto ke mona yawu.

*Samu ti musiku vwandaka kuzwa kivudi ya bima ya mbote yina ke kwiza, mpe ve kifwani ya kieleka ya bima, lendaka ata fioti ve na minkayulu yina bawu vwandaka pesa ntangu nionso mvula na mvula vwandaka nata na kulunga muntu yina vwandaka kwisa.*

68 Oh, la la! Yina ke sala dilongi mosi kaka kuna? Beno me mona? Beno me mona? Ntangu yayi, musiku vwandaka kivudi ya bima yina ke kwisa.

69 Beto baka awa, na mwa ntangu fioti. Beno vutuka na munu na . . . Mu ke kwikila ti ya kele kapu ya 12 ya Apocalypse. Bika beto kota na yawu na mwa ntangu fioti, mpe beto tala kana beto lenda ve kuzwa kima mosi ya fioti ya mbote kaka awa, na kubanda, na kubanzaka na “kivudi.” Ntangu yayi beto—beto tanga dyaka, ntangu yayi, beno na Biblia ya beno.

*Mpe kidimbu ya nene monikaka na mazulu; kento mosi . . .*

70 Yinki kento ke monikisa na kati ya Biblia? Dibuundu.

*. . . kento mosi lwataka mwini, (yina vwandaka lele ya yandi yina yandi lwataka, beno me mona), mpe ngonda na yisi ya makulu ya yandi, mpe na zulu ya yintu ya yandi yimpu ya kimfumu mpe bambwetete kumi na zole:*

*Mpe yandi na kuvwandaka na kivumu bokaka, na kati ya mpasi ya kubuta, mpe vwandaka na mpasi ya kubuta.*

71 Beno tala, kento mosi monikaka na mazulu, na vision ya Jean mumoni. Mpe . . . Yandi vwandaka ya kulwata na mwini. Mpe ngonda vwandaka na yisi ya makulu ya yandi. Mpe yandi vwandaka na bambwetete kumi na zole na yimpu ya kimfumu ya yandi.

72 Ntangu yayi yinki ke sala kidimbu yina? Ba-vision kele bidimbu. Ntangu yayi, kento kele dibuundu. Mpe dibuundu vwandaka . . . Ngonda vwandaka na yisi ya makulu ya yandi. Na nzonzolo yankaka, ya vwandaka sema, kasi yandi vwandaka na zulu ya yawu. Samu ti, yandi kumaka yimeni mutindu yina yandi vwandaka buta mwana. Yandi vwandaka na mpasi ya kubuta. Mpe ngonda vwandaka luta, mpe mwini vwandaka sema. Ntangu yayi, ngonda kele . . .

73 Yinki ke sala ngonda nsemo, mwini ke sema na zulu ya yawu. Ya kele kaka kivudi ya mwini. Mpe, na yina, ngonda zingaka kilumbu ya yawu, mpe mwini vwandaka basika. Kento vwandaka ve ya kulwata bilele na ngonda. Yandi vwandaka ya kulwata na mwini; ya vwandaka dibuundu ya Nsangu ya mbote yina vwandaka kota na luzingu. Dibuundu ya ntama ya Orthodexe . . .

Ntangu yayi, beno ke tuba, “Mbote, yina vwandaka ba-Orthodoxe?” Yinga.

<sup>74</sup> Yesu kwisaka ntete na ba-Juif, mpe Bantu ya makanda ve. Beno me mona? Yandi, Yandi tumaka bilandi ya Yandi na kukwenda ve na Bantu ya makanda. Yandi tubaka, “Yandi kwisaka na bantu ya Yandi, mpe bantu ya Yandi kuyambaka Yandi ve.” Yinki? Yandi tubaka, mutindu Yandi tumaka bawu, na kapu ya 10 ya Santu Matthieu. Yandi tubaka, “Kwenda ve na nzila ya Bantu ya makanda, kasi kwenda na kisika na mameme ya kuzimbana ya Israel. Mpe na yina beno ke kwenda, beno longa, na kutubaka ti Kimfumu ya Mazulu me belama.” Beno me mona? “Kukwenda ve na banzila ya mbanza ya Samarie, mosi mosi ya nzila yankaka, kasi beno kwenda ntete na mameme yina me zimbana ya Israel.”

<sup>75</sup> Ya kele samu na yina nsemo ya nkembo vwandaka sema pene-pene ya kento. Mpe yandi, na mpasi, na mpasi, samu na kubuta Mwana yayi.

*Mpe yandi butaka mwana ya bakala, yina zolaka yala bayinsi nyonso na nkawa ya kisengo: . . .*

*. . . mpe dalango kutelamaka pene-pene ya kento yina vwandaka (Rome) samu na kudya mwana ntangu kaka yandi zolaka butuka.*

<sup>76</sup> Mpe Rome talisaka mpasi na Mwana. Ba fidisaka bawu mpe kufwaka bana nyonso, kubanda bamvula zole . . . to, bamvula zole na yisi, mu zola tuba, ti ba lendaka kufwa Klisto, mpe kusimba Yandi kuna. Hérode salaka dyambu yayi.

*. . . kasi ba zangulaka mwana ya kento na Nzambi, . . .*

<sup>77</sup> Na mvumbukulu, “ba zangulaka yandi na Nzambi, mpe me vwanda na diboko ya kibakala ya Nzambi.” Ntangu yayi, yina zolaka zenga kaka nyonso “mwana” malongi, mutindu yina ve? Beno me mona?

<sup>78</sup> Kasi ntangu yayi, “Musiku,” Hébreux 10 dyaka, “vwandaka na kivudi ya bima yina ke kwiza,” mpe ve kifwani ya kieleka, kasi kivudi.

<sup>79</sup> Ntangu yayi, nokokila yankaka yina, mu vwandaka solula na muntu mosi ya mbote, na zulu ya malongi ya Millenium. Mu tubaka, “Mu ke kwikilaka na Millenium, samu ti ya kele na bivudi mingi ya Ngwisani ya Ntama yina ke zonga ti ya ke vwanda na Millenium. Ya fwana vwanda. Bivudi mingi!”

Bawu tubaka, “Dibuundu ke luta na Lukwamusu?”

<sup>80</sup> Mu tubaka, “Ve. Dibuundu lenda luta ve na Lukwamusu, Ya fwana kwenda na ntwala ya Lukwamusu. Bivudi mingi!” Beno tala, ti, Noé, na mbandukulu, Noé . . . “Ngwisani nyonso ya Ntama, musiku nyonso, ntangu yayi, vwandaka kivudi ya bima ya mbote yina ke kwiza.”

<sup>81</sup> Ntangu yayi, ntete ntangu ya lukwamusu kubula, ntete, Enoch, . . . Noé, Noé vwandaka kifwani yina ba nataka, mutindu mwense ya kulala, kasi ba zangulaka Enoch kaka ntete lukwamusu kubula. “Mpe ba zangulaka Enoch, mpe ba monaka yandi ve, samu ti Nzambi bakaka yandi,” kifwani ya Dibuundu. Mpe Noé talaka yandi. Ntangu yandi monaka Enoch kukwenda, yandi zabaka ti ya vwandaka ntangu ya kukota na nzasa, samu na kuluta na kati ya lukwamusu.

<sup>82</sup> Biblia ke tuba, “Ya vwandaka na bamwense kumi yina basikaka samu na kukutana na Bakala ya makwela; mpe tanu vwandaka ya ndwenga, tanu vwandaka bazoba. Mpe bawu nyonso vwandaka bamwense, mosi na mosi ya bawu. Kasi tanu vwandaka ya ndwenga, mpe bawu vwandaka na Mafuta na mwinda ya bawu. Mpe bawu kwendaka kutana na Bakala ya makwela. Mpe Bakala ya makwela kwizaka, mpe bayina vwandaka na Mafuta kotaka.” Beno me mona, mbangululu, ke kwenda na Bakala ya makwela.

<sup>83</sup> Kasi bayina bikanaka na manima, bawu kwizaka mpe zolaka, mpe. Kaka mutindu bayina kwizaka mpe konkotaka na kielo ya nzasa, “Noé, beto kota,” kasi Nzambi kangaka kielo.

<sup>84</sup> Mpe, oh, nkundi ya munu, mosi ya bilumbu yayi, Nzambi ke pesa nge mbokolo ya nge ya nsuka. Na yina kielo ke kangama, kati-kati ya kyadi mpe lusambusu. Beno basika ve. Beno kota ntangu yayi na yina beno lenda. Beno kipe ve yina yinza ke tuba. Kota na kati ya Klisto. “Samu ti bayina kele na kati ya Klisto Nzambi ke nata na Yandi.” Beno me mona?

Na yina, mwense ya ndwenga yayi kwendaka, na mbangululu.

<sup>85</sup> Mpe bayankaka yayi kwizaka mpe konkotaka na kielo, yinki salamaka? Yinki salamaka? Biblia ke tuba, “Ba losaka bawu na ngaanda na kati ya mpimpa, kisika ya vwandaka na kudila mpe manyongo mpe kukwetisa meno.”

<sup>86</sup> Israel, ntangu ntangu ya lukwamusu bulaka Egypte, ya vwandaka ve na kima mosi yina bulaka Egypte. . . ba-Israélite, samu ti bawu vwandaka na kisika yina Nzambi kubikaka, Goshen. Ata balukwamusu ve ata fyoti ve. Beno me mona? Bayankaka ya bawu vwandaka na lukwamusu, kasi ve yayi.

<sup>87</sup> Ntangu yayi, bima yina nionso kele bivudi, ba fwana fwanikisa kima mosi. Mpe na yina mutindu beto ke mona kuvutuka ya Mfumu, beto ke mona mutindu bantu kotaka na bilumbu yina, mpe kumona mutindu bantu kuzwaka. “Bantu ya lunangu, bantu ya lufundu, bantu yina ke zoloka mingi biese kulutula na bantu yina ke zoloka Nzambi.” Ya kele mutindu ya kele bubu yayi. Bantu ke tambula na manima ya bansatu ya bawu mosi ya yimbi. Ya me kuma na kima mosi. . . Beno lemvolila bansatu yayi, bampangi ya munu ya bakento. Kasi ya

me kwisa, tii, bumuntu ya kieleka kele kima ya ntama, na kati ya bantu ya beto.

<sup>88</sup> Mazono, na Lupitalu ya Santu Edwards, mu kuwaka dokotolo mosi ke pasula mwana-kento na bitini kuna. Yandi mataka bimatinu kisika mu lendaka kuningisa diboko ya yandi, muntu nionso na lupitalu vwandaka kuwa, yandi talaka. Ya vwandaka na mwana-kento mosi kuna na manima, yina vwandaka na mwa bilele yayi ya fioti, ya ntama ya kukondwa busantu, mutindu mwa bakupe yayi ya fioti.

<sup>89</sup> Beno zaba yina Biblia ke tuba samu na yawu? Yandi tubaka, “Ya kele busafu na meso ya Nzambi, samu na kento na kulwata pantalon ya kilo ya karekare mutindu bakala.” Kieleka.

<sup>90</sup> Mpe kuna yandi vwandaka, tambula-...Dokotolo tubaka...Mwa muntu mosi, kikata. Mu zaba yandi, kasi mu lenda banza ve na nkumbu ya yandi. Yandi tubaka, “Nge zola tuba na munu ti mpangi-kento me bika nge kota na lupitalu yayi mutindu yina?” Yandi tubaka, “Kasi, nge kele na nsoni na lupitalu. Basika awa.”

Mu tubaka, “Bakala, mu zola kupesa nge mbote.” Kieleka.

<sup>91</sup> Yandi tubaka, “Wapi mutindu nge me kotaka na ntwala? Nge ke na nsoni ya nge mosi ve, samu na kukota awa ya kulwata mutindu yina?”

<sup>92</sup> Mu banzaka, “Oh, mpangi, ya kele kieleka.” Mu ke sepelaka na muntu yina kele na kikesa ya kubokila mbote “mbote,” mpe yimbi “yimbi,” ata nani yandi kele. Beno me mona? Kasi, kima ya bumuntu, oh, bika mu. . .

<sup>93</sup> Beno ke lemvo kila munu, mutindu yina ve? Mu zola telema fioti awa. Ntangu yayi, mu zola, sungika yayi kaka mwa, nkundi ya munu ya luzolo. Beno banza ve ti Mpangi Branham ke na kumeka na kuvwanda ngolo. Mu kele ve. Mu ke na kumeka kaka na kutuba kieleka. Mpe yina mu zaba, ti kuna na Nkembo, kilumbu mosi, kana mu mona luzingu ya beno kubula, mpe na yina mu zaba ti mu vwandaka dyambu ya yawu, mpe mu zabaka Kieleka mpe mu zolaka tuba Yawu ve. Ve, mu ke katula yawu na mapeka ya munu, na beno. Beno baka lukanu ya beno.

<sup>94</sup> Bakento ya beto yina ke lwataka mutindu yina, kele na mpeve ya yimbi. Beno me mona? Ya kele kaka na kima mosi na kati ya Masonuku salaka yawu. Yina vwandaka dyabulu, katulaka bantu bilele. Beno tala. Ntangu yayi, mu zola ve kutuba ti beno kele ya kukondwa buzitu; mu zola ve kutuba yawu, mpangi ya munu ya kento ya luzolo. Kasi beno kele na kati ya kubendama ya kilumbu, na mutindu mosi, tii beno ke kaka. . . Beno ke banza ti ya kele mbote samu ti bayankaka ke salaka yawu, mpe beno ke bakula ve ti ya kele dyabulu ke salaka yawu. Kieleka, ya kele. Beno kele ya kuzabana ve. Beno kele kilawu. Beno lemvo kila munu samu na nzonzolo. Mbote, ya kele kieleka. Mu zola kutuba, beno ke na kufwa kima na Nzambi.

<sup>95</sup> Oh, Mpeve-Santu ya Nzambi, ve ntangu nionso na kutumaka na ngolo muntu. “Mu zola ve ti muntu kufwa, kasi ti muntu nyonso lenda kwiza na kubalula ntima.” Mpe Nzambi pesaka beto ngolo, na kilumbu yina ntangu milongi. . . Awa kele kisika ya bandaka, ya kele samu ti pasteur ya beno, na estrade, ke tula yawu na zulu. Ya kele kieleka. Ba fwana tula beno na ngaanda. Kana mu vwandaka na dibuundu, mpe bakento salaka yawu na dibuundu, na mbala mosi bawu zolaka kwenda na bawu ya dibuundu. Yinga, tata. Kaka kuna, tii kuna beno kusungamaka, kubanda kieleka. Nzambi tulaka bawu kizitu. Kasi, bubu yayi. . .

<sup>96</sup> Mu kwendaka na Santu Joseph. Mu ke vwandaka ntangu nionso na zulu ya balubokilu yayi ya balupitalu, na mambu ya nswalu-nswalu. Mu kwendaka kuna samu na kumona mwa bébé mosi, yina vwandaka kufwa, na cancer. . . to kimbevo ya ba-rein; ba katulaka rein mosi, ya vwandaka kaka na bamvula zole to tatu. mpe wapi mutindu ti mwa bébé yayi ya fioti. . . Mpe kuna mu bakulaka ti, na kati ya lupitalu ya Katolika, ba vwandaka mbote mpe lutondo.

<sup>97</sup> Mu kwendaka na lupitalu ya ba-Protestant. Ya vwandaka na mama yina vwanda kufwa, mpe mu kwendaka kuna samu na kutula maboko ya munu na zulu. Aumônier, yina vwandaka kuna, yandi tubaka. . . Mpe mu bikaka yandi kuzaba ti mu vwandaka denomination mosi yina yandi vwandaka. Yandi tubaka, “Huh! Ve! Ve, ve, ve! Kusala yawu ve. Kutula diboko ya nge ve na zulu ya yandi.”

Mu tubaka, “Biblia me tuba.”

<sup>98</sup> “Ah, basika!” Yandi tubaka, “Kima yina kele mbote ve. Ve, beto zola ve ti beno tula maboko ya beno na zulu ya muntu ya kubela awa.” Beno me mona mutindu ya kele?

<sup>99</sup> Mpe ya kele samu na yina dibuundu ya Katolika ke na kumina bawu, na mafunda. Ya kele kieleka. Samu ti, ba-Protestant me kota mingi ve na kati mingi na Nzambi samu na kuzwa nzingulu, samu na kuzaba yina kele mpulusu ya kieleka, ya ntangu ya ntama, ya kieleka, Ngolo ya Nzambi, kele. Beno tala kalasi ya beno ya kulutila yimbi. Mpe beno tala kalasi ya beno ya kifuluka, na kuingilaka Nkwizulu ya Mfumu. Amen. Beno bawu yayi.

<sup>100</sup> Beno tala, “Musiku vwandaka na kivudi.” Bima nyonso yayi yina beto ke mona ntangu yayi kele kivudi, vwandaka bivudi, mpe ntangu yayi yawu ke na kukumaka kieleka mbote. Kaka mutindu yinti ke kwisa, mpe ya me kuma divala; na yina ya ke basika na nkuna, samu na kubuta mutindu mosi ya nkuna yina kotaka na ntoto. Bima nyonso yayi me katuka na Genèse. Mpe, bubu yayi, ntangu yayi. . .



101 “Kasi misambidi yayi, bayina kwizaka na yisi ya kivudi, zolaka vwanda ata mbala mosi ve ya kulunga.” Beto zinga na ndinga yina kuna.

*...bawu vwandaka pesa ntangu nionso makabu  
mvula na manima ya mvula samu na kunata na kulunga  
muntu yina vwandaka kwisa.*

102 Mu zola beno ntangu yayi. . . Beno me kuwaka ve, bambala mingi, bantu ke tubaka, “Oh, ya kele ve na mosi ya kulunga”? Ya kele kieleka, beno lenda vwanda ve ya kulunga na meso ya muntu ya beno.

103 Kasi beno fwana vwanda ya kulunga, to beno ke kwenda ata mbala mosi ve na Mazulu. Kieleka. Biblia ke tuba, Yesu ke na kuzonzaka, na bakyese, Matthieu; yandi tubaka, “Beni vwanda ya kulunga, mutindu Tata ya beno na Mazulu kele ya kulunga.” Na yina, beno fwana vwanda kaka ya kulunga mutindu Nzambi kele, to beno me zimbana. Ntangu yayi wapi mutindu beno ke sala yawu? Beni me mona?

104 Ntangu yayi, mwa kifu mosi, mpe beno me zimbana; mwa dibulu mosi ya disu, mpe beno me kwenda; samu ti kima ve lenda kota na Bisika yina kasi “ya kulunga.” Nzambi tulaka Satana Kuna, kilumbu mosi, mutindu Wanzio, yina yandi vwandaka Mwana ya Suka, mpe yandi bakaka bima ya mbote ya Nzambi mpe bebisaka yawu na yimbi. Nzambi kele kieleka ti kima mosi ve ke kota Kuna yina ke sala dyaka yawu. Beni me mona?

105 Ntangu yayi, beno fwana vwanda ya kulunga. Yesu tubaka, “Beni vwanda ya kulunga, mutindu Tata ya beno na Mazulu kele ya kulunga.” Ntangu yayi, wapi mutindu beno ke vwanda, ntangu beno ke landila na kusumuka, ntangu beno ke na kusalaka yina ke tambula mbote ve? Ntangu yayi, yayi ke tula fioti ya lunangu na kati ya bantu ya misiku, kasi, beno tala. Ya kele ve yina beno ke salaka; ya kele yina Nzambi salaka. Ya kele ve yina beno ke salaka; ya kele yina Yandi salaka. Beni me mona? Beni lenda vwanda ve ya kulunga; beno lenda vwanda ve, na kati ya beno mosi. Kasi, na kati ya Klisto, beno kele ya kulunga. Beni ke tula kivuvu ve na bisalu ya beno mosi ya mbote, to dibuundu ya beno mosi beno kele, kasi beno ke tula kivuvu na Menga yina tiamukaka ya Mfumu Yesu. Beni bawu yayi. Ya kele yina ke salaka beno kulunga. Ya kele yina ke kanga lukwikilu ya beno.

106 Na yina, na kubeluka ya Kinzambi, mutindu mosi. Mu ke tula kivuvu ve na mutindu mu ke kuwa. Kana mu salaka yawu, mu ke vwanda na mbeto, na suka yayi. Kasi mu ke tula kivuvu na kisalu ya Yandi yina me mana. Yandi tubaka yawu; Yandi silaka yawu; mu ke kwikila yawu. Beni me mona? Yawu yina. “Beni vwanda ya kulunga.”

107 Ntangu yayi, oh, ti beto baka kaka mwa fyoti na lweka mosi, kima mosi ya kubaluka na kati ya ntima ya munu. Bika mu yufula beno kima mosi. Beto ke na kuzinga na kilumbu ya

lufundusu ntangu yayi, Lufundusu ya nene ve, kasi mbokolo na Dibuundu. Beno ke kwikila yawu? Beto ke na kuzinga na bilumbu ya nkabwani. Ya kele na muntu ya mpasi, ntinta ya nkabwani na kutelama na yinsi. Ya kele buzoba. Kasi ya kele na ntangu mosi ya nkabwani; kaka na yimbi. Nzambi kabulaka bantu ya Yandi, ke bokilaka bawu na kubasika. Beno zaba, mpova kaka *dibuundu* zola kutuba “kukabuka; ya kubokila na kubasika; ya kukabuka”? Amen. “Beno basika na kati-kati ya bawu,” me tuba Biblia, “kuvwanda ve ya kuvukana na disumu ya bawu mpe ya mvindu ya bawu, mpe mu ke yamba beno na Munu mosi. Mpe beno ke vwanda bana ya babakala mpe bana ya bakento samu na Munu, mpe Mu ke vwanda Nzambi samu na beno. Beno basika!” Ya kele ntangu ya kukabuka. “Mpe mingi dyaka mutindu beno ke mona kilumbu yayi ke belama.”

<sup>108</sup> Dibuundu yina mbala mosi mekaka na kutambula, bawu salaka dénomination bawu mosi, mpe ntangu yayi ba me kuma na kimvuka mosi ya nene ya kuzinga mutindu yinza. Beno me mona, kaka mutindu Biblia ke tuba ti bawu salaka na Ngwisani ya Ntama, mutindu mosi bawu salaka, mingi ya bawu. Nzambi bokilaka bawu na kubasika, lakisaka bawu bimangu mpe mambu ya ngitukulu, mpe nsungi ya muvimba kufwaka na ntoto ya kuyuma; na manima bawu monaka bimangu, na manima Nzambi salaka bimangu na zulu ya bawu, na manima bawu monaka nkembo ya Nzambi. Kasi, na kati ya ntima ya bawu, ba vwandaka bantu ya kukondwa lukwikilu, ba vwandaka niunguta samu na Nzambi, kubokuta. Nzambi tubaka kaka, “Kabuka nge mosi, Moïse.” Mpe Yandi bandaka nsungi ya malu-malu, samu na kunata bawu na yinsi ya nsilulu.

<sup>109</sup> Beno tala. Bantu yikwa awa na suka yayi kele Baklisto? Beno zola kutelemisa maboko ya beno, beno telemisa kaka maboko ya beno na zulu, “Mu kele Muklisto.” Nzambi kubaka lukumu, ti beno kele Muklisto. Wapi mutindu beno kumaka Baklisto? Samu ti nge tubaka, “Mu—mu zola kukuma Muklisto”? Samu ti beno sosaka Nzambi, na masa ya meso? Samu ti Nzambi, na nzila ya lemvo, bokilaka beno. Ya kele kieleka. Ve samu ti beno sosaka Yandi; samu ti Yandi sosaka beno.

<sup>110</sup> Ntangu yayi, kana beno tala, na lweka ya ba-Baptiste, to ba-Presbytérien, lukwikilu ya ba-Arminien, bawu nionso ke kwendaka na nkuna. Bawu ke tuba, “Mbote, kana Nzambi bokilaka munu, alleluia, na yina mu kele mbote mingi. Mu ke sala yina mu zola.” Yina ke lakisa ti beno kele na yawu ve, mpe ba bokilaka beno ve. Ya kele kieleka. Kana Nzambi bokilaka beno, beno ke zola Yandi na mutindu ya kinzambi, bima ya yinza ke kufwa samu na beno. Ya kieleka.

<sup>111</sup> Ntwenya ya bakala yina kele ya kuvwanda na manima kuna ke pesa kimbangi ntangu yayi. Yandi yufulaka munu, na kukwizaka, yina kele ya munu. . . mosi ya bampangi ya munu, Tata Mercier. Mpe yandi ke pesaka kimbangi ya Bansangu na

balukutakanu, mpe dikanda ya yandi; Leo mpe—mpe Gene, awa. Leo tubaka na munu, na kukwiza na suka yayi, yandi tubaka, “Mpangi Branham, yina vwandaka ntete; lukwikilu ke basisaka zola, to zola ke basisaka lukwikilu?”

112 Mu tubaka, “Zola ke basisaka lukwikilu. Lukwikilu ve, zola. Beno fwana zola, ntete, ntete beno kuzwa lukwikilu.”

113 Na yawu, kana beno tuba ti beno kele na lukwikilu, mpe beno zola ya kinzambi ve Nzambi, lukwikilu ya beno kele mpamba. Beno me mona? Beno fwana zola Nzambi. Na yina, beno lendaka kota na mabuundu nionso na yinsi, kusala nyonso yina beno zola, kusala bafunguna nyonso yina beno zola; kasi kana ya kele ve na Mpeve-Santu ya kieleka, ya kieleka, yina me butuka mbala zole na kati ya ntima ya beno samu na Nzambi, lukwikilu ya beno kele mpamba. Ata ti wapi mutindu beno ke tuba ti beno ke kwikila Nzambi, yina ke sala kima mosi ve. Ya fwana butuka na kati ya ntima ya muntu, na yina beno kele na Luzingu ya Kukonda nsuka, ba lenda ata mbala mosi ve kukabuka na Nzambi.

114 Ntangu yayi, kana beto vwandaka na ntangu, na kumonaka ti ya kele ve na mingi ya beno na ba-Biblia, kasi kuna na Buku ya Apocalypse. Beno kuwa ntangu yayi. Beno tula diboko ya beno ya kubanza, mpe beno zibula ntima ya beno. Mu zola tuba kima mosi awa ntangu yayi. Mu zola beno kuwa mbote, na yina Mpeve-Santu kele pene-pene.

115 Biblia ke tuba, na Apocalypse, ti, mbeni ya Klisto ke kwisa na kilumbu ya nsuka, mpe ti yandi ke vwanda ngolo mingi. Mpe kuna na Santu Matthieu, mpe, kapu 24, Yesu tubaka, yandi tubaka, “Ntangu mbeni ya Klisto ke kwisa, ti yandi—yandi ke vwanda ya kubelama mingi, mutindu kisalu ya kieleka ya Nzambi, tii yandi ke vuna Musolami ya kieleka kana ya lendaka salama.” Beno tala mbote, “Ke vuna Musolami ya kieleka . . .”

116 “Musolami,” wapi kisika ya me katuka? Na mpova “Musolami.” “Yandi ke vuna bantu ya kieleka ya Kusolama kana ya lendaka salama.” Beno me mona? Kasi ya kele ve. Lukumu na Nzambi samu na yawu! Ya lenda salama ve.

117 Mutindu kuna na Hébreux, kapu ya 6, Yandi tubaka, “Samu ti ya lenda vwanda ve samu na bayina vwandaka mbala mosi ya kutemuka, mpe bayina me belama na Mpeve-Santu, mpe me meka makabu ya mazulu, mpe ngolo ya yinza yina ke kwiza, kana bawu ke baluka mpe ke vutuka bawu mosi na kubalula ntima.” Ya lenda salama ve. Ba lenda sala yawu ve. Ya kieleka. Ba lendaka mekula yawu. Ba lendaka kipe yawu ve. Bantu lendaka sala mutindu ba ke na kusalaka *yayi-mpe-yayi*, mpe ba lendaka bendama na bima nionso ya fioti.

118 Kasi muntu yina me butuka na Mpeve ya Nzambi, kieleka ya yandi—ya yandi kele ya kuvwanda na Mbwetete ya Nord. Alleluia! Mpe difelo nionso ke ningisa yandi ata fioti ve. Ya

kieleka. Mu ke tuba ve ti yandi ke sala bifu ve. Mu ke tuba ve ti yandi ke tambula ve na malembe mpe ke kubwa ve. Ya kieleka. Kasi kaka na ntangu yandi lenda kuzwa makulu ya yandi, meso ya yandi kele ya kuvwanda na zulu ya Mbwetete kuna, mpe yandi ke kwenda na ntwala. Kieleka. “Musolami!”

<sup>119</sup> Ntangu yayi, Biblia ke tuba, mpe mu zaba ti ya kele Ndinga ya Nzambi ya moyo. Biblia me tuba yayi. Beno kuwa ntangu yayi. Beno me mona? “Mpe kibulu, mpe profete ya luvunu,” p-r-o-f-e-t-e, mosi. “Mpe kibulu,” ngolo. Butatu ya difelo; kaka mutindu butatu ya Nzambi. Ntangu yayi beno tala mbote.

*Mpe yandi salaka nyonso, bana ya fyoti. . . bambuta, yina kele mvwama to mputu, mpika to yina kele na kimpwanza, (bakala to kento, bakala to kento, mwana to nani ya vwandaka). . .*

*. . . yandi salaka ti bantu nyonso, bana ya fioti mpe bambuta. . . samu na kuzwa kidimbu ya bawu na. . . na mbunzu, mpe kele ya kutula kidimbu na kimfumu ya mpimpa.*

<sup>120</sup> Ntangu yayi ya kele na bidimbu zole yina ke salama bubu yayi. Mpe beno zaba kaka ve wapi ntangu. . . Oh, mpangi-bakala, ti yayi kulumuka na mudindu. Beno zaba ve wapi ntangu, ti beno yina kele na ndilu bubu yayi, ke baka lukanu ya beno ya nsuka. Ya kieleka. Beno lenda ve kutenga-tenga ntangu ya yinda. “Mpeve ya Munu ke nwana ve ntangu nionso na muntu.” Na yina, beno lendaka vingila na mwa ntangu fioti. Kasi, “Mpeve ya munu ke nwana ve ntangu nionso na muntu,” na kuvwandaka na ndilulu.

<sup>121</sup> Beno tala, kidimbu ya kibulu kele kidimbu ya kumanga lukwikilu, dyabulu, bisalu ya dyabulu. Yesu tubaka, “Na nzila ya bumambele ya dibuundu ya bawu”? [Dibuundu me tuba, “Ve.”—Mu.] “Na nzila ya théologie ya bawu”? [“Ve.”] “Na nzila ya nzingulu ya bawu ya seminere”? [“Ve.”] “Na nzila ya *mbuma* ya bawu nge ke zaba bawu.”

<sup>122</sup> Ntangu yayi, na yawu, mbuma ya Mpeve-Santu kele zola, kyese, ngemba, mvibudulu, bumbote, kusalasana, kukangantima, lembami. Yina kele mbuma ya Kimpeve. Mpe, mbuma, yina kele kidimbu ya Mpeve-Santu, na kulakisaka ti zola ya Kinzambi me kangama na kati ya ntima, mpe bima ya yinza kele ya kufwa.

<sup>123</sup> Ntangu yayi, kidimbu ya dyabulu, kele bilanda-landa; bisalu, lemvo ve. Bisalu vwandaka talisa bima yina ke kwisa; luvunu, ke kwenda na dibuundu, na kubanzaka ti ba kele Baklisto; na kuzingaka mutindu yinza, na kuzwaka bisalu na yinza, ba ke basika kuna mpe ke sala mutindu yinza. “Mpe pene-pene mingi,” ti balweka nyonso zole ke vwanda kieleka, “ke vuna Musolami ya kieleka. . .” Awa kele mambele ya dibuundu, yina ke kwendaka na dibuundu ntangu nyonso; muntu mosi ya mbote

mingi, ke kwendaka na dibuundu; muntu ya mbote, na bumuntu. Kasi, ntete, kuna na kati ya midindu ya kati-kati ya bawu, ya kele ata fioti ve na nzingulu ya Yesu me bikana.

<sup>124</sup> Beno tala Ésaü mpe Jacob. Mbote, Ésaü vwandaka mbala zole mbote muntu mutindu Jacob. Kieleka, yandi vwandaka. Kasi, Jacob vwandaka na kima mosi, “Yandi kuzwaka musendo samu na musendo.” Yandi monaka bukuluntu yina, mpe tangaka yawu kima ya kulutila nene na zulu ya ntoto.

<sup>125</sup> Mpe, bubu yayi, beto ke meka na kutanga kukwenda na dibuundu, na kuwaka Docteur *Kingandi* to Mpangi *mpe kingandi* kuzonza, kusala bima mutindu yina, to kukuma ya dibuundu ya mbote na nkonga ya kitoko yina ke na kusalama, reveil ya mbote. Beto ke bokilaka yawu na kusala kima ya mbote. Ya kele yawu ve.

<sup>126</sup> Nzambi ke talaka na ntima. Mpe, ntima ya Jacob, ya ke kipe ve yina kima mosi ke kwisa to ke kwenda. Ya vwandaka na lukanu mosi ya ngolo samu na yandi, ya kele, samu na kuzwa bukuluntu yina.

<sup>127</sup> Ya kele na mukwikidi ya kieleka, bubu yayi. Ti yinza kubokila beno nyonso yina bawu zola. Bika bawu tuba ti nge kele fanatiki, kana bawu zola. Bawu bokilaka Yesu, “Béelzébul.” “Wapi mutindu bawu ke bokila nge,” Yandi tubaka. “Kyese na beno ntangu bantu ke talisa beno mpasi, beno tuba mutindu nyonso ya yimbi na ntuala ya beno, na mutindu ya luvunu, samu na mbote ya Munu. Beno sepela, mpe beno yangalala, samu ti nene kele musendo ya beno na Mazulu, samu ba talisaka bawu mpasi mingi baprofete na ntuala ya beno.” Beno me mona yawu?

<sup>128</sup> Ntangu yayi, yinki kele Kidimbu ya Nzambi, na yina? Éphésiens 4:30, tubaka, “Beno nyongisa ve Mpeve-Santu.” Yinki? Ephésiens 4:30, beno yina ke na kutula yawu kidimbu. “Beno nyongisa ve Mpeve-Santu.” Ntangu yayi, mu zaba bayankaka ya bawu ke tubaka ti ya kele *yayi*, to *yina*, to *yankaka*. Kasi, ata ti, Biblia ke tuba, “Bika ti konso ndinga ya muntu kuvwanda luvunu, mpe ya Munu kuvwanda kieleka.”

<sup>129</sup> Bayankaka ke tuba, “Kuzitisa bilumbu, kele kidimbu.” Mpe bayankaka ke tuba, “Sala *yayi*, ya kele kidimbu.” Mpe bayankaka ke tuba, “Kuvwanda mhangi ya *yayi*, kele kidimbu.”

<sup>130</sup> Kasi, Biblia ke tuba, “Beno nyongisa ve Mpeve-Santu ya Nzambi, na yina ba me tula beno kidimbu tii na Kilumbu ya mpulusu ya beno.” Bilumbu yikwa? “Tii Kilumbu ya mpulusu ya beno.” Wapi mutindu ya lenda salama?

<sup>131</sup> Nzambi lendaka sala kifu? Yandi lendaka pesa muntu Mpeve-Santu... Mpe Yandi na kuvwandaka ya seko, zaba kubanda mbandukulu tii nsuka, ke pesa muntu Mpeve-Santu, mpe silaka yandi Luzingu ya Kukonda nsuka, mpe na manima kubaluka, kukatula Yawu na yandi? Yina ke sala Yandi ya seko, mutindu munu mpe beno, yina ke salaka bifu.

<sup>132</sup> Kasi, matondo na Nzambi, Tata ya beto ya Mazulu ke salaka bifu ve. Yandi . . . Ya kieleka. Yandi lenda sala kifu ve. Kubanda mbandukulu, Yandi vwandaka ya seko; mpe Yandi ke vwanda, na nsuka. Yandi lenda ve kusala bifu. Yandi kele ya kulunga.

<sup>133</sup> Beno tala, ntangu yayi mu ke vutuka dyaka na—na Hébreux. Ntangu yayi, “Beno vwanda ya kulunga.” Ntangu yayi mu ke luta ntangu yayi mpe mu ke kota na Apocalypse.

*Mpe yandi salaka ti bantu nyonso, nyonso zole . . . bambuta, (kiboba, ntwenya, bakala mpe kento) . . . mpika mpe yina kele na kimpwanza, samu na kuzwa kidimbu na mbunzu ya bawu, mpe na diboko ya bawu:*

<sup>134</sup> “Mpe yandi vunaka bayina nionso ba sonikaka na kati ya Buku ya Luzingu ya Mwana-dimeme.” Yandi vunaka bantu nionso, ntoto ya muvimba, bansambulu ya misambidi. Yandi yambaka yina banzaka ti ya kele Muklisto. Yandi vunaka mambele ya dibuundu. Yandi vunaka muntu ya buzitu. Yandi vunaka muntu ya mbote. Yandi vunaka mulongi yina ba bokilaka na nkumbu. Yandi vunaka Muklisto yina na nkumbu.

<sup>135</sup> Yandi vunaka bantu nionso na bansangu ya yandi ya nene ya politiki, na kutubaka, “Beto nyonso kele dibuundu mosi ya nene, mpe beto fwana kuvukana kintwadi, mpe kuzwa bima ya yinza mpe dibuundu mpe luyalu, kuvukana. Yinki ya . . . Beto ke sukisa bamvita nionso, kukonda nsuka.”

<sup>136</sup> Mafunda ya bamama, mafuku ya bawu, ke tuba, “Ya kele kima yina beto zola.” Beno tala mbote kisika ya me katuka, mpangi-kento. Beno tala mbote kisika lufulu ya yawu kele.

<sup>137</sup> “Mpe yandi vunaka bayina bankumbu nionso ba sonikaka ve na Buku ya Luzingu ya Mwana-dimeme.”

<sup>138</sup> Ntangu yayi beno me kubama? Yawu yayi. Ya kele canon bambala zole mpe kizitu. Beno kuwa yawu, ntangu yayi. “Yandi vunaka bayina nyonso bankumbu kele ve ya kusonika na Buku ya Luzingu ya Mwana-dimeme . . .” Kubanda ntangu bawu kotaka na dibuundu? Kubanda ntangu ya reveil? Bankumbu ya bawu vwandaka ya kusonika na Buku ya Luzingu ya Mwana-dimeme ntangu bawu kotaka na dibuundu? Ve. “Bankumbu kele ya kusonama na Buku ya Luzingu ya Mwana-dimeme katuka mbandukulu ya yinza!” Amen. Ya ke sala yawu. Beno me bakula yawu? Yina ba talaka na zulu, bankama ya bamvula, na kati-kati ya milongisi.

<sup>139</sup> Kasi, beno tala, ba sonikaka nkumbu ya Muklisto ve na Buku ya Luzingu ya Mwana-dimeme ntangu yandi kwisaka na autel. Biblia ke tuba, “Ba sonikaka nkumbu ya yandi na Buku ya Luzingu ya Mwana-dimeme, katuka kuna kubanda mbandukulu ya yinza.” “Muntu ve lenda kwiza na Munu kana ti Tata ya Munu kubenda yandi. Mpe nyonso yina ke kwiza, mu ke pesa yandi Luzingu ya kukonda nsuka, mpe ke vumbula yandi na bilumbu ya nsuka.” Yinki beto vwandaka na boma?

<sup>140</sup> Beno kuwa munu, mpangi ya munu ya bakala ya kulemba. Biblia ke tuba, ti, “Yesu vwandaka Mwana-dimeme ya Nzambi yina kufwaka kubanda mbandukulu ya yinza.” Beno tala. Oh, la la! Mutindu yayi ke pela ntima ya beno! Mutindu yayi ke pesa beno kivuvu! Ntama mingi ve na ntuala ya mbandukulu ya yinza, ntangu Satana bebisaka, yimbi; Nzambi, na kuvwandaka ya seko, talaka nzila nyonso ya ntangu, mpe monaka nsuka.

<sup>141</sup> Luzabu ya mantwala! Kana Yandi zaba ve bima nyonso, beno me tula Nzambi na mantwala, beno me sala Yandi nsuka mutindu beno mpe munu. Kasi, ngolo ya Nzambi kele na nsuka ve; ngolo ya Nzambi, luzabu ya Nzambi, bima nyonso. Yandi kele Yina kele ya Ngolo nionso.

<sup>142</sup> Ntama mingi ve ntete mbandukulu ya yinza, ntangu Satana salaka yimbi, samu ti Satana vwandaka na dibanza ya yandi yina yandi zolaka sala, mpe Nzambi monaka mutindu Yandi lendaka mekula yawu. Amen.

<sup>143</sup> Biblia ke tuba, “Na mbandukulu vwandaka Ndinga,” Santu Jean 1, “mpe Ndinga vwandaka na Nzambi, mpe Ndinga vwandaka Nzambi,” na mbandukulu, ntangu ntangu ntangu bandaka. Ya vwandaka Seko, ntete ti, yayi kele na ntangu, beto ke na kuzonzila.

<sup>144</sup> Seko kele mutindu kifwanusu. Ata mbala mosi ve—yawu ke sukaka. Ya kele selekele, ke landila kukondwa nsuka mpe kukonda nsuka mpe kukonda nsuka. Ya kele piné ya kukondwa nsuka yina me telemaka ata fioti ve to ke na nsuka ve. Kasi Satana tulaka kupema na kati kuna, mpe kulumukaka awa mpe fwana bebisa kima nyonso.

<sup>145</sup> Kasi, Nzambi monaka kisika ya ke vwanda na ntangu mosi. Mpe na kuvwandaka Yandi yina ya nene ya seko, kubanda mbandukulu, Yandi talaka na yisi. Mpe Yandi vwandaka, na mbandukulu, Ndinga. Ntangu yayi, ndinga kele dibanza yina me tubama. Nzambi bandaka na kubanza, mutindu Yandi bandaka na kumona konso muntu yina kwisaka na zulu ya ntoto, mpe konso ndeke, mpe konso dititi, mpe konso nzinzi. Alleluia! Yina kele ya seko, ya Ngolo nionso, ya Kukonda nsuka, ya Kukonda nsuka, Nzambi ya ntangu nyonso. Ya kele Yandi yina beto ke sadilaka na suka yayi.

<sup>146</sup> Kuna na mbandukulu, mpe Yandi monaka ti ya vwandaka na bantu yina zolaka kuzwa mpulusu, bantu yankaka yina zolaka kuzwa mpulusu, bantu yankaka yina ke vwanda ya kukwikama na kati ya ntima ya bawu. Bawu zolaka kuzwa mpulusu. Na yina, Yandi fwana kubama samu na mpulusu ya bawu, ya kieleka, to ata mbala mosi ve ti bawu ke kuzwa mpulusu. Mpe Yandi zaba ti kima mosi ve lenda kota ve na Mazulu, na yawu Yandi fwana sala nzila ya kulunga samu na bawu. Amen. Beno me mona yawu?

<sup>147</sup> Na yina, kuna, Yandi tubaka, “Munu mosi, ke kulumuka na yinza mpe ke landila nzutu ya muntu, mpe mu ke futa kitumbu

yina ba lombaka awa. Mpe mu ke baka kisika yango, mpe mu ke kumisa bawu ya kulunga samu ti mu ke nata bawu na kati ya Munu, mpe mu kele ya kulunga.”

148 Na yina ntangu Yesu tubaka, “Beno vwanda ya kulunga, mutindu bayina kele. . . Nzambi kele ya kulunga.”

149 Na manima awa ya vwandaka na nzutu yayi ya kulwala yina ba bulaka mpe ba bukaka samu na disumu, mpe konso disumu yina yinza kuzwaka to zolaka kuzwa, vwandaka ya kulala na zulu ya Yandi. Mpe Yandi kele nzutu yina Yehowa telamaka na kilumbu ya nsuka kuna, na kilumbu ya tatu na manima ya lufwa ya Yandi.

150 Mpe kana beto kele na kati ya Nzutu yango, beto kele kaka ya kulunga mutindu Nzutu kele. Amen. Beno bawu yayi. Wapi mutindu beno ke kota na kati ya Nzutu yango? Wapi mutindu beno ke kota na kati ya Yawu? Biblia ke tuba, na ba-Romain 8:1, “Ya kele na yina ntangu yayi ata kitumbu samu na bayina kele kati na Klisto Yesu, yina ke tambula ve landila nzutu, kasi Mpeve.” Ba ke kipe ve yina yinza ke tuba, to yina muntu yankaka ke tuba, to ata mpe yina dibuta ya bawu ke tuba. Bawu ke tambula na Mpeve ya Nzambi, na luzolo ya kulunga, ya Kinzambi. Beno me mona yawu?

151 Wapi mutindu beno ke kota na kati ya Yawu? Na kukumaka ya dibuundu? Na kupesanaka maboko? Na nzila ya mbotika ya maza? Ve, tata.

152 Kapu 12 ya ba-Corinthiens ya Ntete tubaka, “Na nzila ya Mpeve mosi beto nyonso kele ya kubotama na kati ya Nzutu mosi, mpe kukuma bamambeke ya Nzutu yina.” Mpe, na yina, ya kele ve yina mu salaka, yina mu kele, yina mu vwandaka, to kima mosi ve samu na yawu. Ya kele yina Nzambi salaka samu na munu, na kati ya Klisto, mpe beto kele ya kulunga na Munkayulu ya beto.

153 Yandi ke salaka bifu ve. Yandi ke kotisa beno ve kana beno vwandaka ya kulunga ve. Yandi zaba ntima ya beno. Ya kieleka. Yandi zaba yina beno kele. Yandi zaba mitifi ya beno. Yandi zaba yina beno kele. Ya kele na mitambu nionso na nzila. Ya kieleka, diabulu ke sala ti beno bula disakuba. Mpe beno ke tuba, “Mu zolaka ve kusala yawu. Nzambi, Nge zaba yawu.” Beno kele dyaka ya kulunga samu ti ya kele na Menga ya kulunga yina ba pesaka samu na beno, konso kilumbu, mpe Munkayulu ya menga vwandaka diembela na ntwala ya Kiti ya kimfumu ya Nzambi ya Ngolo nyonso. Ya kele kieleka. Ntangu yayi, wapi mutindu beno kotaka Kuna? Nzambi, na nzila ya luzabu ya mantwala. . .

154 Ntangu yayi, Nzambi tubaka ti Yesu. . . Ntangu yayi beno lwata ba-casquette ya beno. Beno zibula ntima ya beno. Beno tala. Biblia ke tuba, “Yesu vwandaka Mwana-dimeme yina kufwaka na” (wapi?) “mbandukulu ya yinza.” Yandi kufwaka.



Samu na yinki? Nzambi, Tata, ntangu Yandi talaka na yisi mpe monaka mutindu . . .

155 Yesu kwisaka ve samu na kufwa lufwa ya kintulumukina. Yandi kwisaka ata fioti ve, yandi tubaka, “Mbote, mbala yankaka muntu mosi ke vwanda na mawa ntangu ba ke mona mutindu mu kufwaka, bima nionso.” Ve. Ve. Nzambi ke salaka ve kusalu ya Yandi mutindu yina. Nzambi ke twadisaka kusalu ya Yandi ya kulunga. Ya kieleka.

156 Yandi zabaka kieleka yina zolaka salama. Ya kele mutindu yina Yandi lendaka zabisa na ntwala. Yandi zaba kieleka yina Yandi. . . “Yandi zola ve ti muntu kufwa.” “Yandi zola ve,” kasi, kana Yandi kele ya seko, Yandi zaba nani ke sala mpe nani ke vwanda ve. Na yina, beno lenda pema na kivuvu, kana beno me kuzwa Nzambi mpe me fuluka na Mpeve-Santu, beno kele ya kukangama tii kisika ya beno ya Seko. Kieleka. Beno me mona, Yandi zabaka na ntwala.

157 Ntangu yayi beno tala mbote. Biblia ke tuba, ti, “Yesu, Mwana-dimeme, kufwaka ntete mbandukulu ya yinza kusalama.” Oh! Mu—mu zaba ti mu ke salaka mutindu yankaka awa, kasi mu—mu—mu ke kuwa nkembo. Beno tala. Yinki? Ba kufwaka Yesu na ntwala ya yinza ata mpe vwandaka na kitini ya ntete ya mvindu. Yesu kufwaka yimeni. Samu na yinki? Samu ti Nzambi. . . Yawu yayi. Beno me bakula yawu. Nzambi, na nzila ya luzabu ya mantwala, ntangu Yandi vwandaka Ndinga na mbandukulu, Yandi zabaka dibanza mosi. Ntangu yayi ya kele kaka dibanza; na yina ntangu Yandi tubaka yawu, mpe tubaka ti ya ke vwanda, Yesu kufwaka na mwa ntangu fioti Nzambi tubaka Ndinga. Na manima yinki? Bamvula mafunda yiya na ntwala, Yandi kwisaka mpe futaka ntalu, yina Nzambi salaka yimeni awa, na nzila ya Ndinga ya Yandi. Yandi zolaka kwiza. Bampeve nyonso ya yimbi na difelo zolaka bumba Yandi ve na kukwiza. Nzambi zonzaka yawu yimeni.

158 Ntangu yayi, mukwikidi, nge kele na basapatu ya nge ya kiese? Beno kuwa yayi. Kana beno kele Muklisto, kana beno kele kieleka mwana ya Nzambi, Biblia ke tuba . . .

Ya kele ve, “Oh, mulongi!”

159 Ya kele Biblia. Yawu tubaka, “Bankumbu ya nge vwandaka ya kusonika na Buku ya Luzingu ya Mwana-dimeme na ntwala ya mbandukulu ya yinza.” Oh, la la! Ntangu mosi yina Klisto. . . ti Nzambi tubaka ti Klisto ke kufwa, Yandi sonikaka nkumbu ya nge na ya Yandi. Alleluia! Beno bawu yayi. Ba sonikaka nkumbu ya beno na . . .

160 Yandi tubaka, “Mpe yandi vunaka bantu nionso, bambuta, bana ya fioti,” kulutila mingi yina vwandaka bamambele ya dibuundu, yina banzaka ti ba vwandaka Baklisto. “Yandi vunaka bayina bankumbu nionso vwandaka ve ya kusonika,” ve na buku ya dibuundu, kasi, “na Buku ya Luzingu ya Mwana-

dimeme” (wapi ntangu?) “ntete mbandukulu ya yinza.” Nzambi sonikaka nkumbu ya nge na Buku ya Luzingu ya Mwana-dimeme, na nzila ya Ndinga ya Yandi yina zonzamaka. Mpe fidisaka Klisto, Munkayulu, samu na kusumba yawu, samu na kuvulusa kimvuka yina Yandi sonikaka bankumbu ya bawu na Buku ya Luzingu ya Mwana-dimeme na ntswala ya mbandukulu ya yinza. [Kisika ya mpamba na bande—Mu.]

<sup>161</sup> Ntangu yayi, “Bayina Yandi bokilaka, Yandi me nungisa bawu.” Yandi bokilaka bawu na ntswala ya mbandukulu ya yinza. “Bayina Yandi bokilaka, Yandi me nungisa bawu. Mpe bayina Yandi me nungisa, Yandi me kembisa bawu yimeni.” Nzambi mosi, yina na ntswala ya mbandukulu ya yinza, bokilaka nkumbu ya beno mpe sonikaka yawu na Buku ya Luzingu ya Mwana-dimeme; na kati ya Buku, kubanda mbandukulu ya yinza, me sala yimeni kisika na Nkembo samu na beno. “Mpe ntangu tabernacle ya ntoto yayi me beba, beto kele na mosi yina ke na kuvingila beto kuna na Nkembo . . . ? . . .” Beno bawu yayi. Yina kele Nsangu ya mbote.

<sup>162</sup> Samu na yinki beto kele na boma? Samu na yinki beto ke kwenda na ntswala na kutalaka mutindu *yayi*, “Mbote, mu ke kukiyufula kaka”?

<sup>163</sup> Beno telemisa bayintu ya beno! Biblia ke tuba, “Benotelemisa mabolongo ya kulemba. Mpe beno bika maboko kutelama, yina vwandaka ya kukangama. Ti yandi yina kele ya kulemba, kutuba, “Mu kele na ngolo.” Amen.

<sup>164</sup> Samu ti, Nsangu ya mbote me pesama. Ya kele Bansangu ya mbote. Mpe, na suka yayi, Mpeve-Santu, na nzila ya Ndinga, ke nata beno Bansangu ya mbote, ti, “Kubanda mbandukulu ya yinza Nzambi sonikaka nkumbu ya nge na Buku ya Luzingu ya Mwana-dimeme.” Bampeve nyonso ya yimbi na difelo lenda katula yawu ve kuna. Ndinga ya Nzambi me zonga yawu. Kaka kieleka ya salama, mutindu Nzambi sonikaka yawu na kati kuna ntete mbandukulu ya yinza! Amen. Wapi mutindu Tata ya beto ya Mazulu kele ya nkembo, na luzolo ya Yandi ya seko mpe kyadi ya Yandi, samu na kusala yawu samu na beto!

<sup>165</sup> Yandi tubaka, “Benotevwanda ya kulunga, mutindu Tata ya beno ya Mazulu kele ya kulunga.” Wapi mutindu beno lenda vwanda? Na yina, ya kele ve kulunga ya munu, ya kele ve kulunga ya beno. Ya kele kulunga ya Yandi, ya Ndinga ya Yandi; ti Yandi solaka beno, mpe ata mbala mosi ve ti beno solaka Yandi. Mpe Yandi nataka beno na kati ya Klisto. Mpe beno kele na lukengolo na Yesu Klisto, mpe kaka ya kulunga mutindu Klisto vwandaka na ntswala ya Nzambi. Na yina, nge me telama ve na beno mosi. Benote kele ya kutelama na kati ya Yandi, na kima mosi, “Mu ke kwikila Nzambi.” Amen. Oh, mu zola Yandi! Oh, la la!

<sup>166</sup> Na lweka yankaka ya Eden, amen, wapi ntangu ya mbote ya ke vwanda kilumbu mosi, ntangu beno ke tala na manima mpe

ke tuba, “Samu na yinki mu vwandaka na boma? Beno tala kiese yina mu me kondwa.”

<sup>167</sup> Ntwenya ya bakala, ntwenya ya kento, na suka yayi, to beno kiboba ya bakala to ya kento, yina me vwandaka ntete ve Muklisto, Nzambi ke na kulandila na kubula na ntima ya beno. [Mpangi Branham me konkota na chaire—Mu.] Oh, yinga, beno lenda kota na nsuka ya nzila, kasi beno ke kuzwa ata kyese ve. Ya ke vwanda ve na bambwetete pene-pene ya beno samu na kusema. Mu zola ve kutelama mutindu yina.

<sup>168</sup> Mu zola kuwa Yandi kutuba, “Ya vwandaka mbote, kisadi ya Munu ya mbote mpe ya kukwikama.” Mu zola kulakisa Yandi kuvutula matondo.

<sup>169</sup> Mwa kento ya munu, ya mputu, ya bansuki ya mpembe, wapi mutindu mu ke zola kusala kima mosi samu na yandi, yina mu zaba ti yandi ke zolaka, samu ti mu zola yandi, mpe mu zaba ti yandi zola munu. Mpe kana mu sala yawu samu na kento ya munu, na zola ya kimuntu, yinki mu fwana sala, kuzaba ti Nzambi, na lemvo, ntete mbandukulu ya yinza, monaka munu; mputu, mwa musumuki mosi yina vwandaka kutekita, mpe mu vwandaka kwenda na difelo mpe lendaka ve kukipekisa na yawu? Mpe Yandi soolaka munu, mpe tulaka nkumbu ya munu na Buku ya Luzingu ya Mwana-dimeme na ntuala ya mbandukulu ya yinza. Oh, mu zola Yandi! Ya kele ve na mutindu nyonso, ya kutuba . . .? . . . Kuyituka ve ti Biblia ke tuba, “Disu me monaka ve, dikutu me kuwaka ve, to yawu me kotaka ve na kati ya bantima ya muntu.” Oh, la la! Wapi mutindu Nzambi kele ya nkembo! Beno zola ve kutula kivuvu na Yandi, kana beno me lemba mpe beno me lemba?

<sup>170</sup> Nsoni na beno Miklisto, yina ke bokilaka beno mosi Miklisto, mpe ke kwenda bisika nyonso na ya kulemba. “Mbote, mu zaba ve. Mpe kana mu kwenda na dibuundu, . . .” Oh, beno kele esikize ya mawa.

<sup>171</sup> Bika mu tuba na beno. Beno telemisa bayintu ya beno. Beno yidika ntulu ya beno. Oh, la la! Oh, beno sadila lukwikilu. Lukwikilu kele mfumu ya kisalu. Ya kele kieleka. Lukwikilu kele na bansuki na zulu ya ntulu ya yandi. Mpangi-bakala, mu zola tuba, ya kele misisa ya nene. Ntangu ya ke tubaka, baboma nionso ke katukaka na lweka mosi na yankaka.

<sup>172</sup> Diabulu ke tuba, “Ntangu yayi, beno lenda sala yawu ve. Beno lenda sala yayi ve. Beno ke na nsoni ya kupesa kimbangi.”

<sup>173</sup> Lukwikilu ke telemisa, ke tuba, “Kanga yinwa! Mu ke na ntoto.” Amen. Kieleka. Lukwikilu ke bakaka lukanu. Yawu yina beto ke na yawu nsatu bubu yayi samu na konso kizieti na yinsi. Beno sungika yintu ya beno.

<sup>174</sup> Biblia ke tuba, “Ntangu mu vwandaka . . .” David tubaka, “Ntangu mu vwandaka na boma, mu kwendaka na . . . Mu tulaka kivuvu na Yandi. Ntangu mu vwandaka na boma, na yina mu

tulaka kivuvu na Yandi. Ntangu nionso mu ke kuma na boma ya lufwa, bivudi. . .”

<sup>175</sup> Ntangu Paul kulumukaka, yandi tubaka, “Lufwa, wapi ntunga ya nge? Ntoni, wapi lunungu ya nge?” Mpangi-bakala. . .

Baluzingu ya bantu ya nene ke bambukisa beto moyo

Beto lenda kumisa baluzingu ya beto kitoko,  
Na kukwendaka, kubika na manima ya beto  
Bitambi na zulu ya zyelo ya ntangu.

<sup>176</sup> Kilumbu mosi, ya kuvwanda kuna na zulu ya miongo ya mazulu ya Nkembo, kisika mwini ke kulumuka ata fioti ve na Mbanza yina, kisika basantu ke na kubokaka yimeni, ba-hero ya ntama ya Lukwikilu, na kutalaka kuna na yisi na kati ya bisika yayi kuna na zulu, mpe na kumonaka nzila ya beto, me salama na Nkembo. Mu zola kuvwanda na bawu, mpe kumona ti mu tulaka yintu ya munu na zulu mpe tulaka kivuvu na Nzambi, mpe landilaka, na ntangu ya kitebo. Oh, la la!

Beto sambila.

<sup>177</sup> Tata ya beto ya Mazulu, beto ke tonda Nge na suka yayi samu na Yesu. Beto ke tonda Nge samu na kulunga ya Nsangu ya mbote, samu na kulunga, mpe bunene ya Kukonda nsuka ya Ndinga ya Nzambi ya Kukonda nsuka, yina me tubama. Mpe landila Ndinga ya Yandi, Yandi bokilaka beto mpe solaka beto na kati ya Yandi ntete mbandukulu ya yinza, mpe sonikaka bankumbu ya beto na ntwala ya mbandukulu ya yinza. Ntangu Nzambi ke zonza ndinga, ya fwana salama. Ya fwana salama kaka. Mpe Nge zonzaka bankumbu ya beto ntangu Nge zonzaka Nkumbu ya Yandi. Nge soolaka beto, na Yandi, ntete yinza kubanda, na yina ya kele na kima ve beto lenda tuba ti beto lenda sala, Mfumu. Ya kele—ya kele ve na kati ya nkonga ya bantu. Ya kele na kima ve yina beto lenda sala to kusala matalana. Kima kaka beto ke tuba, kele, “Nzambi, matondo na Nge samu na lemvo ya Nge. Matondo na Nge samu na kyadi ya Nge, Mfumu. Na kumonaka ti beto vwandaka banzenza, kasi ntangu yayi Nge me kumisa beto ya kulunga na Munkayulu yina ya kulunga yina beto me telama, O Nzambi, telama na kati ya Yandi, bubu yayi, na yina beto ke landila.” Na kutonda Nge, Tata, samu na bima yayi.

<sup>178</sup> Beto ke lomba, kana ya kele na mosi awa bubu yayi, Mfumu, yina kele ve na kondisyo yayi, bika ti bawu baka lukanu mosi ya bawu mpe ya Kukonda nsuka mpe ya nsuka, ntete Nge sala mbokolo ya Nge ya nsuka mpe ya nsuka na ntima ya bawu. Beto ke sambila ti Nge ke pesa yawu na Nkumbu ya Klisto.

<sup>179</sup> Mpe na yina beto kele na bayintu ya beto, mu ke kukiyufula kana ya kele na muntu mosi awa na suka yayi, yina kele kieleka na mwense ya kulala; beno me vumbukaka ata fioti ve na ntima ya kieleka yina beno fwana vulusa mioyo, beno fwana sala

kima mosi? Mpe beno zola Nzambi kubambuka moyo na beno, mutindu moyo mvulusi; beno zola kuvwanda mosi yina ke basika mpe ke meka na kuzwa myoyo ya kuvuuka? Beno zola kutelemisa diboko ya beno, kutuba, “Nzambi, bambuka moyo na munu.” Nzambi sakumuna nge. Ya kele mbote. Mbote mingi.

<sup>180</sup> Ya kele na muntu mosi awa na suka yayi yina me ndimaka ata fioti ve Klisto mutindu Mvulusi, kasi, na suka yayi, zola baka lukanu yina ya nsuka mpe ya Kukonda nsuka? Mutindu beno ke mona mwini kuvwanda kuna, mpe beno zaba ti ya kele kaka bilumbu fyoti dyaka mpe beto ke vwanda dyaka ve awa. Beno zaba yawu. Kasi beno zola—beno zola kukota na Kimfumu ya Nzambi. Beno zola Nzambi kuyamba beno. Mpe beno ke kwikila ti Yandi ke sala yawu, mpe beno ke telemisa diboko ya beno na ngolo yina, na suka yayi, ti nge ke kwikila ti Klisto ntangu yayi ke baka nge mutindu mwana ya Yandi. Nzambi sakumuna nge. Mpe Nzambi sakumuna nge.

<sup>181</sup> Muntu yankaka, beno ke baka Yandi mutindu Mvulusi ya beno mosi, bubu yayi? Beno ke telemisa diboko ya beno, beno tuba, “Kubanda bubu yayi, kubanda ntangu yayi, mu ke sadila Nzambi na ntima ya munu ya muvimba. Mu ke kwikila. Mpe mu zola ti ba bambuka munu moyo. Luzingu ya munu nyonso, Kima mosi me konkota na ntima ya munu, mpe me konkota na ntima ya munu, mpe mu me manga Yawu. Mpe mu kele na boma ti mu lenda manga Yawu na ntangu ya yimbi ntangu yayi. Mpe na yawu, na suka yayi, Nzambi, na lemvo, mu ke basika mpe ke telemisa diboko ya munu, na kutubaka, ‘Lemvokila munu, musumuki’?”

<sup>182</sup> Ya ke vwanda na yankaka? Nzambi sakumuna nge. Mpe sakumuna nge, mwana-kento ya fioti. Mu ke mona diboko ya nge, mpe, cherie. Mbote mingi. Muntu yankaka, beno zola kutelemisa diboko ya beno, kutuba, “Bambuka moyo na munu”?

<sup>183</sup> Ya kele na retrograde, mpe tuba, “Oh, Mpangi Branham, mu kele Muklisto, kasi mu kele na esikize ya mawa samu na mosi. Mu ke vutukaka ntangu nyonso manima mpe ke salaka yina kele yimbi. Mpe mu—mu zola Nzambi. Nzambi bakaka munu na lemvo. Mu zaba ti mu kele mwana ya Yandi. Kasi mu me vwandaka ntete ve na kusala, mu me salaka ntete ve kusalu ya Mfumu. Mu ke kwenda kaka na ntwala, mpe mu ke basika, mpe mu ke basika. Kasi Kima mosi ke simba munu, na kati ya ntima ya munu. Mu ke na nsoni ya kimbangi ya munu. Mu ke vwanda na nsoni ya kukutana na Nzambi, na suka yayi, moyo mosi ve to kima mosi ve. Mu—mu—mu zola ti Nzambi kuvutula munu mpe kukanga munu na lweka ya kubasika ya menga, mpe kupesa munu dikofi ya munu, yina mu fwana, mpe bika mu vwanda Muklisto ya kieleka kubanda bubu yayi, kubanda ntangu yayi. Mu ke telemisa diboko ya munu na Nzambi. Yawu yina mu zola ti Nge sala, Nzambi.”

<sup>184</sup> Nzambi sakumuna nge, mama. Nzambi sakumuna nge, nge, nge. Ti, ntangu yayi Nzambi ke mona ntima ya nge. Mpe mingi ya beno me telemisa maboko ya beno, mu zaba beno. Mu zaba luzingu ya beno na zulu mpe na yisi. Na yina beno kele. . . (Bayankaka ya Miklisto ke na kusambilaka.) Mu zaba nkadulu ya beno ya zulu mpe ya yisi. Mu zaba retrograde ya beno. Nzambi zaba bawu wapi mutindu ya kulutila mbote, kana mu zabaka bawu. Mu ke mona nge kukwiza na autel, kumeka na kusala kubanda, mpe kuvutuka; kumeka na kusala kubanda, mpe kuvutuka.

<sup>185</sup> Muntu mosi kubwaka kaka ya kufwa, mwa bilumbu me luta, yina vwanda longa lukolo ya Lumingu awa. Mu kele na boma ti bantu ya yandi kele awa. Mu ke bokila nkumbu, mingi ya beno zaba nani mu ke na kuzonzila. Muntu yina ke kwisa na yinzo-Nzambi, yandi ke vutuka; yandi ke vutuka na yinzo-Nzambi, yandi ke vutuka. Yandi zolaka sala mbote. Yandi vwandaka na nzingulu na Nzambi. Yandi vwandaka muntu ya mbote, na ntima, kasi yandi bandaka na kuboka mingi na yinza. Yandi kufwaka, ntwenya ya bakala. Yandi bikaka yinza. Ntangu yayi mu ke kukiyufula yina ke vwanda musendo ya yandi. Beno me mona? Beno sala yawu ve. Beno sala yawu ve, nkundi ya munu. Beno bikana na kati ya bansinga ya lukengolo.

<sup>186</sup> Muntu yina lendaka vutuka na ntoto bubu yayi, mpe kutelama kuna na kati ya mbanza, konso kisika yina, kaka na kisika yina yandi kufwaka, yandi ke boka mpe ke kwenda mbangu na tabernacle na ngolo mutindu yandi lendaka kwisa. Oh, mu ke tuba na beno, ya ke vwanda na mioyo yina ke kwisa na sabala yayi, ntangu yandi ke kuma awa. Yandi kele na lweka ya nzila ntangu yayi. Kasi, beno bambuka moyo, ntangu nyonso yina ya kele na Seko, na mudindu mutindu ya kele na zulu, ata mbala mosi ve ti bawu ke kuzwa siansi yankaka ya kuvulusa moyo, ata mbala mosi ve kuzwa siansi yankaka ya kuzinga samu na Nzambi. Yandi me baka lukanu ya yandi ya nsuka.

<sup>187</sup> Yinki samu na nge, na suka yayi? Beto sungika yawu, samu na Nzambi, na yina beto me kulumusa bayintu ya beto. Pesa beto mwa note, "Na lweka yankaka ya Jourdain."

Na yankaka . . .

Ntangu yayi beno landila na kusambila.

. . . ya Jourdain,

Na bilanga ya lembami ya Eden,

Malembe ntangu yayi, beto nyonso.

Kisika Yinti ya Luzingu ke basisa bafelele,

Ya kele na kupema samu na beno.

Yesu ke buka konso miniololo,

Yesu ke buka konso miniololo,

Yesu . . .

Yinki ke na kukanga beno?

. . .konso miniololo,  
 Ntangu Yandi ke pesa beno kimpwanza!  
 Mu ntangu nyonso, ntangu nyonso ke kumisa  
 Yandi,  
 Mu ntangu nyonso, ntangu nyonso ke kumisa  
 Yandi,  
 Mu ntangu nyonso, ntangu nyonso ke kumisa  
 Yandi,  
 Samu ti Yandi me tula munu kimpwanza!

Ntangu yayi beto nionso, kintwadi, na malembe.

Na lweka yankaka ya Jourdain, (Kaka kuna na  
 simu ya nzadi.)

Na bilanga ya lembami ya Eden  
 Kisika Yinti ya Luzingu ke basisa bafelele,  
 Ya kele na kupema samu na beno.

Na yina, Yesu ke buka konso. . .

<sup>188</sup> Miniololo ya mutindu nionso, miniololo ya misambidi,  
 miniololo ya denomination, miniololo ya disumu, miniololo ya  
 kukondwa lukwikilu.

Yesu. . . (Mvwandulu ya Yandi me belama.) . . .  
 konso miniololo,

Baka kaka lukanu ya nge.

Ntangu Yandi tulaka beno na kimpwanza!

Mu ntangu nyonso, ntangu nyonso ke kumisa  
 Yandi,

Nzambi sakumuna nge, mama.

. . .kumisa Yandi,

<sup>189</sup> Muntu yankaka, bika ti miniololo. Beno zola ve kuvwanda  
 na kimpwanza, bubu yayi? Samu na yinki beno ke na kubanza?  
 Samu na yinki, beno kele kaka na mpasi na beno mosi, kana beno  
 kele ve na kimpwanza; Mpeve-Santu, me katula bitini nionso na  
 nzila, Mpeve ya Nzambi ke kulumuka na kati ya ntima ya beno.  
 Nzambi sakumuna nge, mpangi-kento.

Na lweka yankaka. . .

<sup>190</sup> Mu banza ti mwa kima mosi ya ntama simbaka beno. Beno  
 zola ve kuzwa mpulusu? Mu banza ti bankumbu ya beto kele ya  
 kukangama kintwadi. Nzambi sakumuna nge, mpangi-bakala.  
 Mu banza ti bankumbu ya beto me kangama kintwadi, kuna  
 na Nkembo, mutindu bambwetete ya Nzambi, ke sema ntangu  
 nionso. Beno tala mpe beno tuba, “Kuna me telama Mpangi  
 Branham.”

<sup>191</sup> Mu ke tuba, “Oh, yinga, mpangi-bakala. Bambuka moyo na  
 tabernacle na suka yina?”

. . . ke basisa bafelele,  
Ya kele na kupema samu na beno.

Mu ke sala yawu ntangu nionso, ntangu nyonso  
mu ke kumisa Yandi, (Beno zola ve kusala  
yawu?)

. . . ke vwanda ntangu nyonso, ntangu nyonso  
ke kumisa Yandi,  
mu . . .

- 192 Retrograde, nge zola ve kubelama na autel ntangu yayi?  
. . . ntangu nyonso . . .

Mwa kima yango ya kutelama na nzila ya nge. Yesu ke buka  
miniololo. Kwisa.

Ntangu Yandi ke pesa beno kimpwanza!  
Kuna na kulunsi kisika Mvulusi ya munu  
kufwaka,  
Mu me kwisa kuna samu na kudila masumu ya  
munu;  
Oh, kuna Menga ya munu pakulamaka na  
ntima ya munu;  
Nkembo na Nkumbu ya Yandi!  
Oh, nkembo na Nkumbu ya Yandi ya ntalu!  
Oh, nkembo . . .

- 193 Nkundi ya munu ya musumuki, awa na autel, retrograde,  
tuba na Yandi yawu na ntangu yayi. Wapi kisika ya vwandaka?  
Kuna na ntima ya munu vwandaka . . .

- 194 Beno ke fukama kuna beno mosi na Nzambi ntangu yayi.  
Yandi ke na kutalaka beno. Ata nswini lenda kubwa ve  
kukondwa Yandi kuzaba yawu.

Oh, kwiza na Yinto yayi ya kulutula  
bumvwama, ya lembami, ya mawete,

- 195 Kana beno me kuzwaka ntete ve Mpeve-Santu, beno kwiza.  
Yandi kele awa.

. . . na makulu ya Mvulusi;  
Oh, kukota bubu yayi, mpe kuvwanda ya  
muvimba;  
Oh, nkembo na ya Yandi . . . (Beno simba yawu  
kuna ntangu yayi.)

- 196 Na yina na bayintu ya beno ya kukulumusa. Beno me talaka  
ntete bantu yina yambaka Klisto? Beno tala mbote mutindu ya  
kisika bawu vwandaka kuna, mutindu bawu kuzwaka Yawu,  
beno ke mona bawu kusala mutindu mosi. Ya kieleka. Kana ya  
kele ya kinzambi-nzambi, mpe ya kukangama na emotion, ba ke  
telemisa mwana mutindu yina. Ya kele mutindu ya ke kwenda.  
Kana ya kele madidi, ya misiku, mpe ya kuswaswana; ntangu



nyonso mutindu bawu kele. Ba ke kuzwa mutindu yina ya mpeve, samu ti ya kele yina ke salaka kuna.

<sup>197</sup> Nata munu na kulunsi. Nata munu na kisika yina Mpeve ke tambula, na mawete ya ntima ya munu. “Ata ti mu me zonza na bandinga ya bantu mpe ya Bawanzio, ata ti mu me pesa bimvwama ya munu nyonso samu na kudikisa bamputu, nzutu ya munu ke yokama mutindu munkayulu, kuvwanda na luzabu ya kuzaba mansweki nionso mpe bima yayi nionso, nionso ke kubwa. Kasi ntangu yina kele ya kulunga ke kwisa, yina kele zola, ya ke kangama kukonda nsuka.” Zola ke sala lukwikilu.

<sup>198</sup> Beno zola kwisa ve ntangu yayi na yina nsatu yayi ya kitoko, ya kukikulumusa, ya lembami ya Mpeve-Santu ke kwisa awa na autel ntangu yayi. Beno fukama kaka, beno tuba, “Nzambi, lemvokila munu. Mu zola ti Nge pesa munu ntangu yayi, na kati ya ntima ya munu, Mpeve yayi yina kele na kati ya dibuundu. Mu me fukama ntangu yayi, mpe mu me lombamba. Mpe, na nzila ya lukwikilu, mu ke kwikila ti Nge ke pesa yawu na munu.” Beno ke kwenda ntama awa, mosi ya bampeve ya kulutula kukikulumusa, ya kulutula lembami. Nionso ke mana na ntangu yina.

Mu me vuluka na disumu,  
 Yesu me kwisa zinga na kati ya munu na  
 lembami nyonso,  
 Oh, kuna na kulunsi kisika Yandi nataka  
 munu;  
 Nkembo na Nkumbu ya Yandi!  
 Nkembo . . .

<sup>199</sup> Na yina beto ke na kuyimba yayi, mu ke kukiyufula kana ya kele na Baklisto ke zola kufundisa bawu kuzinga na bayayi awa na autel, bayina me kwiza samu na Mpeve-Santu mpe samu na mpulusu. Beno ke zola kufukama awa na beto, kusambila na beto baminuti fyoti? Nyonso yina beno kele na yawu nsatu, ata yina ya kele. Kana ya kele kimbevo, beno kele na nsatu ya kubeluka ya nzutu. Kana ya kele mpasi, mpe beno kele na nsatu ya lusalusu, kana beno kele na boma mpe ti beno kele na mpasi, beno kele na nsatu—nsatu ya ngemba, beno kwisa ntangu yayi, mutindu yina ve?

Oh, kwiza na Yinto yayi ya masa ya bimvwama  
 mpe ya mbote;  
 Losa moyo ya nge ya mawa na Mvulusi . . .

Kiese mingi na kumona bantu mingi ke kwisa, na suka yayi.  
 . . . na bubu yayi mpe kuvwanda ya muvimba;  
 Nkembo na . . .

<sup>200</sup> Beno me mona, ya kele kisalu ya Mpeve-Santu. Yandi ke salaka yayi. “Na . . .” Ya kele ve emotion. Ya kukangama, na mudindu. Ya kele ve mutindu ya fanatiki. Ya kele ve ya misiku. Ya kele luzolo yina ke benda, ke kwikaka beto.

Kuna na ntima ya munu ba tulaka Menga;  
Oh, nkembo na Nkumbu ya Yandi!

201 Ya kele mbote! Muntu nyonso ke fukimina kaka ntangu yayi. Benzo zola yayi ve? Mu zaba ve mutindu beno ke kuwaka, kasi mu ke kuwaka kaka mutindu, na kati ya ntima ya munu, beno ke kuzwa kaka masa ya meso na kati ya beno, ke kulumuka. Mpeve-Santu ya Nzambi ke tambula kaka, Yandi ke sala kisalu. Mpangi, pesa munu dibuundu mutindu yayi, yina kele kieleka kuzengana, kukwenda na yinzo ya Kiyidiki ya banzungu ya ntoto, samu na kuyidika beno.

Yesu, bumba munu pene-pene ya kulunsi,  
Ya kele na Yinto ya ntalu,  
Kimpwanza na nyonso . . .

202 Bika ti dibuundu kusadisa na kuyimba yayi ntangu yayi, na yina bantu yina me balula ntima kele na autel, ke na kulomba.

Ke basika na Yinto ya Calvaire.

Na kulunsi, na kulunsi,  
Oh, vwanda nkembo ya munu ntangu nyonso;  
Mpe moyo ya munu ya kuzanguka ke kuzwa  
Kupema na manima ya nzadi.

203 O Nzambi, Tata ya beto, beto me kwisa na Nge, bubu yayi, na kukikulumusa nyonso, ya kubukana. Mpeve-Santu ke kwisa na kati ya Ndinga. Baklisto kele mingi . . . mpe ke vutula matondo mingi na Nge, ti bawu me ndima Nge, me butuka mbala zole. Nge me tuma yayi kubanda mbandukulu ya yinza. Nge me tuba yawu. Nge tubaka, “Mu kele na bima mingi ya kutuba na beno, yina mu lenda tuba na beno ve ntangu yayi. Kasi ntangu Yandi Mpeve-Santu ke kwisa, Yandi ke talisa bima yayi na beno, mpe ke longa beno mpe ke twadisa beno.” Beto ke vutula matondo mingi, na suka yayi, samu na Mpeve-Santu yina ke monisa Ndinga ya Nzambi. Nge tubaka, “Mpe Yandi ke nata bima yayi na ya Munu . . . na mabanza ya nge, yina mu me tuba na nge. Mpe Yandi ke lakisa beno bima yina ke kwiza.”

204 Beto kele na kyese ti Yandi kele na beto bubu yayi. Mpe na nzila ya malongi ya Ndinga, mpe kisalu ya Mpeve-Santu, me sala ti Baklisto kuvumbuka, nataka misumuki na kwisa na Nge, bantu ya retrograde samu na kufundisa bawu mosi. Tata, bawu kele na autel. Ya salaka ti bambevo mpe bantu ya kulemba, bayina vwandaka na mpasi, na kukwisa mpe bawu kulumusa bayintu ya bawu, samu na kundima kubeluka ya nzutu ya bawu, na kuzabaka ti Ndinga ya Nge yina zonzamaka kele Kieleka. Nyonso yankaka ke kubwa, kasi Ndinga ya Nge lenda kubwa ata fioti ve. Kieleka! “Benzo ke zaba Kieleka, mpe Kieleka ke pesa beno kimpwanza.”

205 Mpe beto me kwisa samu na kundima, na suka yayi, yina Nge me kubika samu na beto, na kati ya mpasi ya Nge yankaka mpe kukatula-masumu, na lufwa ya Nge, ti Nge salaka samu na beto.

Mpe beto na kimpwanza nionso, Mfumu Yesu, yamba yawu. Beto ke kwikila Ndinga ya Nzambi. Beto ke kwikila ti Nge silaka, “Yandi yina ke kwisa na Munu, Mu ke tula yandi na nganda ve.” O Nzambi, yinki nsilulu! Ata ti yina ya kele, Nge me tuba, “Ntangu beno ke sambila, beno kwikila ti beno me kuzwa yina beno me lomba. Beno ke kuzwa yawu.”

<sup>206</sup> Ntangu yayi, Tata, kana kieleka beto ke kwikila yawu, ya ke sukisa dyambu. Beto ke kwikila yawu. Ya me salama. Na yina beto ke sala na funguna ya beto, ti Nge salaka yawu samu na beto. Ve ti beto kele ya kulunga; beto kele ya kulunga ve. Kasi na nzila ya lemvo ya Nge yina beto ke na yawu na nzila ya Nge, beto ke kwikila ti kusalu me kumana.

<sup>207</sup> Mpe mutindu bantu yayi ya boloko, mpe bayina ke kwisa na suka yayi, samu na kukipesa bawu mosi, mpe na bayina ke na kwiza samu na mambote ya bampasi, mutindu David tubaka, “Sakumuna Mfumu, O moyo ya munu, mpe kuzimbana ve bandandu ya Yandi nionso; Yina ke lemvokila munu masumu ya munu nionso ya nkú, mukongo ya munu; mpe yina ke belusaka bimbevo ya beto nionso.” Yina kele bandandu ya mbote ya mukwikidi. Mpe beto me kuzwa yawu, na nzila ya lukwikilu, na suka yayi, na nzila ya kukwiza na zulu ya Ndinga ya Nzambi, yina ba zonzaka ntete mbandukulu ya yinza. Kana ya zolaka salama ve, mutindu mosi ya lenda salama ve samu na beto na kuzwa ve yina beto ke lomba, kana beto lomba yawu na lukwikilu na kukwikilaka. Mpe yina kele na kati ya bantima ya beto, Mfumu, samu na kuzwa yina beto me lomba.

<sup>208</sup> Yesu, bumba beto pene-pene ya kulunsi. Ntangu mbeni ke kwisa mutindu nzadi, Mfumu, telemisa bendele samu na yandi. Sakumuna mwa dibuundu yayi, yina ke na kovingila. Nzambi, bika ti Mpeve-Santu ya Nge kubaka bayina me pesa baluzingu ya bawu, babakala yayi mpe bakento yina fukamaka na autel. Misumuki yina kwisaka mpe kulumusaka bayintu ya bawu, ba nataka bawu na Kimfumu ya Nge.

<sup>209</sup> Mfumu, mu me bakula ti ya kele kizunga ya bawu mosi, minuti bawu kwikilaka Nge, ya kele minuti Nge yambaka bawu. Samu ti Nge tubaka, “Muntu ve lenda kwiza kana Tata ya Munu me benda yandi ve. Mpe nyonso yina ke kwiza, mu ke pesa yandi Luzingu ya kukonda nsuka, mpe ke vumbula yandi na kilumbu ya nsuka.” Yina kele Ndinga ya Nge, Mfumu. Beto ke kwikila Yawu.

<sup>210</sup> Mpe ya me salama, kusalu me suka, mpe beto ke tonda Nge samu na yawu. Beto ke tonda Nge samu na kubeluka ya nzutu nionso, samu na konso madidi ya moyo, samu na konso kima yina Nge. . . Bayina vwandaka na maboko ya kulemba na zulu ya bawu, bayina vwandaka na boma, bayina vwandaka kukiyufula. David tubaka, “Ntangu mu vwandaka na boma, mu vwandaka

na boma, na yina mu tulaka kivuvu na Nge mpe mu kwendaka na ntwala.”

<sup>211</sup> Nzambi, beto telemisa bayintu ya beto, na suka yayi; na boma ya boma ve, kasi Baklisto yina ke kwikilaka na Yesu Klisto. Bika ti beto landila, na kimbangi ya beto yina ke sema. Ti, na nzila ya kubeluka ya banzutu ya beto, na nzila ya kimbangi ya mpulusu ya beto, ti beto nunga bayankaka samu na Nge. Pesa yawu, Tata, mutindu beto me tula yawu na autel. Pesa yawu samu na Nkembo ya Nge, mutindu beto ke kwikila Nge mpe ke vingila na Nge, Mfumu.

<sup>212</sup> Awa kele kisika, ke na kuyobilaka kaka na kitoko ya Nge, na kuyobilaka kaka na nsilulu ya Nge, na kutalaka ti Mpeve-Santu ya nkembo ke kanga beto na Nge. Mutindu beto zola Nge! Mutindu beto ke kembila Nge!

<sup>213</sup> Mutindu mu ke sambilaka Nge, Mfumu! Munu mosi, awa na manima ya chaire yayi ya santu, na maboko ya munu na zulu na Nge, mu ke sambilaka Nge, Nzambi ya munu. Mu ke sambila Nge. Nge kele Munganga ya munu, Mvulusi ya munu, Ntinu ya munu, Yina ke kubikaka, Tata ya munu, Mpangi ya munu! Nionso yina kele na kati ya Nge. Nge kele ngolo ya munu. Munu na ntwala bantu nyonso. . . Beno. . . David tubaka, “Mu ke kumisa Nge na kati ya dibuundu ya basantu.” Mpe mu ke pesa Nge lukumu na ntwala ya bantu ya kusantisama na suka yayi. Mu ke kumisa Nge samu na kubelusa munu. Mu ke kumisa Nge samu na luzingu ya munu. Mu ke kumisa Nge samu na mavimpi ya munu. Mu ke kumisa Nge samu na bumbote Nge me lakisa munu. Mu ke kumisa Nge samu na bankundi ya munu. Mu ke kumisa Nge samu na nyonso, Mfumu. Beno kele mbote, kyese yina ba lenda zonzila ve mpe ya kufuluka na nkembo! Mutindu mu ke kumisa Nge!

<sup>214</sup> Wapi mutindu mu lenda tuma Nge na muntu ya kulemba! Wapi mutindu mu lenda tuma Nge na misumuki, mutindu Mvulusi! Wapi mutindu mu lenda tuma Nge na bambevo, mutindu Munganga! Wapi mutindu mu lenda tuma Nge na kiswamunu, mutindu Ntinu! Oh, mutindu mu zola Nge, na suka yayi! Wapi mutindu mu lenda tuma—tuma Nge, Mfumu, na bayina kele na ntoto ya kuyuma, samu na kuvwanda—samu na kuvwanda kiese na camp! Wapi mutindu beto ke tonda Nge!

<sup>215</sup> Oh, Nge kele Ditadi na ntoto ya kuyuma, Kiswamunu na ntangu ya kitembo; Alpha, Omega, Mbandukulu mpe Nsuka; Rose ya Saron, Lis ya Kiwanda, Mbwetete ya Suka! Oh, mutindu beto zola Nge! Mutindu beto ke kembila Nge mpe ke kumisa Nge, Nge kele ve Muntu ya Seko! Beto ke pesa Nge lukumu. Oh, beto ke kumisa Nge, mpe ke pesa Nge lukumu, na kati ya bansungi nionso!

<sup>216</sup> Yamba beto, Mfumu, mutindu beto ke pesa balusakumunu yayi, bambuma ya bikoba ya beto. Nge tubaka, “Beto kele bantu

ya kuswaswana, kinganga-Nzambi ya kimfumu, na kupesaka munkayulu ya kimpeve, bambuma ya bikoba ya beto ke pesa lukumu na Nkumbu ya Yandi.” Mutindu beto ke kembila Yandi! Mutindu beto ke kembila Yandi ntangu nyonso mpe ntangu nyonso! Oh, yamba bakutuba ya kieleka ya ntima ya beto, kulakisa bikoba ya beto, Mfumu, ti na kati ya ntima ya kuvedila beto ke kumisa Nge. Na kuzabaka, ti, ya kele ve yina beto lenda sala. Ya kele ve luzingu ya beto; ya kele Luzingu ya Yandi. Ya kele mpulusu ya beto ve; ya kele mpulusu ya Yandi. Ya kele ve mazulu ya beto; ya kele Mazulu ya Yandi. Oh, beto kele ve bisalu ya beto mosi; beto kele bisalu ya Yandi. Lemvo ya beto ve; ya kele lemvo ya Yandi. Nkembo ya beto ve; kasi nkembo ya Yandi. Ngolo ya beto ve; kasi ngolo ya Yandi. Oh, mutindu beto zola Nge! Dibuundu ya beto ve; kasi Dibuundu ya Yandi. Mutindu beto ke kumisa Nge, samu ti ya kele bantima ya beto, Mfumu. Ya kele bantima ya beto. Yamba beto.

217 O Nzambi, tinda mwa Branham Tabernacle kutiamuka ya Mpeve. Nge zola, Mfumu? Oh, beto kele na nsatu, awa na nsongi. Nzambi, fidisa bamvula ya lusakumunu. Mwangisa mvula ya Nzambi, ya ntama mpe ya nsuka.

218 Botika pasteur ya beto, ya malu-malu, Mfumu. Tula yandi na tiya na Nsangu ya mbote. Beto zola yandi, bubu yayi, Mfumu. Yandi kele kisadi ya Nge. Beto ke sambila ti Nge ke pakula ntima ya yandi.

219 Pakula bantima ya milongi yankaka na kati ya kivinga na suka yayi, mpe konso mambele. Bika ti beto basika awa, Mfumu. . .

220 Mpe kuzimbana ve kisadi ya Nge ya mawa, ya kulunga ve, munu mosi, Mfumu. Ti Nge ke pakula munu diaka na Mpeve-Santu. Pesa yawu, Mfumu.

221 Pesa beto balusakumunu yayi. Beto na kukikulumusa nionso ke na kuingila na autel, na kuzabaka ti beto me kuzwa yawu, beto ke yobila beto mosi na Mpeve-Santu ya Nge; mpe kele ve na nsoni ya Nsangu ya mbote ya Yesu Klisto, Ngolo ya Nzambi, samu na mpulusu. Wapi mutindu beto ke tonda Nge samu na Yawu!

222 Kilumbu mosi ya nkembo, beto ke na kivuvu na kumona Nge, Mfumu, tetika maboko ya beto na zulu ya makulu ya Yandi yina me telema na beto bubu yayi, yina beto lenda mona ve, kasi beto zaba ti Yandi kele awa. Wapi mutindu beto ke kumisa Yandi!

. . . kuna na Mbanza yina,  
Mwini ata mbala mosi ve ti yawu ke kulumuka;  
Bafelele ke na kuyalumuka kukonda nsuka,  
Mpe mwini, ata mbala mosi ve ti yawu ke  
kulumuka.

Mu ke na nsatu ya kusala nzietolo, mu ke sala  
yawu,

Mu ke na nsatu ya kusala nzietolo;  
 Bafelele ke na kuyalumuka kukonda nsuka,  
 Mpe mwini, ata mbala mosi ve ti yawu ke  
 kulumuka.

Bantu yikwa ke kuwa mutindu yina? Beno telemisa diboko  
 ya beno.

. . . mu ke kuwaka mutindu kuboka, bantangu  
 yankaka mu ke sala yawu,  
 Mu ke na nsatu ya kuboka, mu ke sala yawu;  
 Bafelele ke na kuyalumuka kukonda nsuka,  
 Mpe mwini, ata mbala mosi ve ti yawu ke  
 kulumuka.

Mu ke na nsatu ya kusala nzietolo, mu ke sala  
 yawu,  
 Mu ke na nsatu ya kusala nzyetolo;  
 Bafololo ke na kubasisa bafololo . . . (. . . ? . . .)

<sup>223</sup> Nge kele Yandi yina na yintu ya bwatu, Mfumu. Beno zaba  
 nionso samu na yawu. Beto ke lomba lusakumunu yayi na  
 Nkumbu ya Klisto. Amen.

<sup>224</sup> Tata ya Mazulu ya luzolo, na yina beto ke luta na autel,  
 na kutentikaka maboko na zulu ya bantu yayi mu banza yina  
 ke na kvingila lusakumunu yina ke na kwisa na ntwala, bika  
 ti Mpeve-Santu, yina simbaka ve na mutindu ya kulunga . . .  
 Kasi beto ke sambila, Tata ya Mazulu, ti Nge ke pesa  
 lusakumunu . . . ? . . . Oh, zonza, Tata ya Mazulu, vwanda na kyadi  
 na mpangi ya beto ya kento.

<sup>225</sup> Tata ya Mazulu ya luzolo, mutindu kento yayi ya luzolo awa  
 ke belama awa na lukwikilu . . . Bilumbu mingi yandi me vwanda  
 awa; bansuki yayi ya mpembe mpe mifutu . . . ? . . . Kasi wapi  
 mutindu ya kusalu ya mpasi zolaka luta awa. Kukondwa ntembe  
 ti maboko yayi me kulumuka ba-page ya Biblia, me zanguka  
 na Nge. Na ntembe ve, kasi ya kieleka na ntima, na suka yayi,  
 mutindu yandi dumukaka na dibuundu yayi, na ba-béquille na  
 yisi ya diboko ya yandi. Kasi ntangu yayi, na nzila ya lukwikilu,  
 yandi me tula yawu, samu na kukwenda. Belusa yandi, Mfumu.  
 Yandi ke kwisa samu na balusakumunu ya Nzambi. Mu ke  
 sambila, Nzambi ya Mazulu, ti Nge ke sakumuna yandi. Mpe  
 bika yandi kuzwa yawu ata fioti ve, samu na bilumbu ya yandi  
 nionso. Pesa yandi ngolo na kati ya nzutu ya yandi. Bika yandi  
 kununga mioyo samu na Nge, Mfumu, na Kimfumu ya Nzambi.  
 Na Nkumbu ya Yesu Klisto. Amen.

<sup>226</sup> Nzambi sakumuna nge, mpangi-kento. Ve . . . Nge fwana  
 sadila ve ba-béquille yina ya ntama, mu ke kwikila ve, diaka ve.  
 Nge kele mbote, mpe mu ke kwikila ti nge ke vutuka na yinzo  
 kukondwa yawu. Amen. Ntangu beno ke basika na kivinga, beno  
 ke tula yawu na dipeka ya beno, mpe beno ke kwenda na ntwala.  
 Nionso ke mana.

<sup>227</sup> Tata Nzambi, beto ke sambila ti Nge ke sakumuna kento yayi yina me telama awa bubu yayi. Kumisa yandi nyonso ya muvimba. Pesa yawu, Tata. Beto ke tentika maboko na zulu ya yandi mpe ke kwikila yawu, na Nkumbu ya Yesu.

<sup>228</sup> Tata Nzambi, beto ke tentika maboko na zulu ya Mpangi-kento Slaughter, mpe beto ke lomba yandi na kubeluka. [Kisika ya mpamba na bande—Mu.]

<sup>229</sup> Nzambi ya luzolo, beto ke tentika maboko na zulu ya beto. . . [Kisika ya mpamba na bande—Mu.]

<sup>230</sup> Beno zaba ve mutindu beno ke kuwa. Mu ke yimba nzila; beno ke yimba refrain na munu.

Yina ya ntete ke kufwa samu na dikani ya  
Mpeve-Santu yayi,  
Vwandaka Jean Mubotiki, yandi kufwaka  
mutindu muntu;  
Na manima kwisaka Mfumu Yesu, ba komaka  
Yandi na kulunsi,  
Yandi longaka ti Mpeve ke vulusa bantu na  
disumu.

Ke landila na kubasika mingi na menga, yinga,  
ya ke na kubasika mingi na menga,  
Nsangu ya mbote ya Mpeve-Santu yayi, (Mu  
zola Yawu.) ya ke na kubasika mingi na  
menga,  
Menga ya bilandi (Bika yinza kutuba yina  
bawu zola.) yina kufwaka samu na Kieleka,  
Nsangu ya mbote ya Mpeve-Santu yayi ke na  
kulandila na kubasika mingi na menga.

Na yina ba bulaka matadi na Étienne, yandi  
longaka na kuteleinaka disumu  
Yandi salaka bawu kudasuka mingi, bawu  
pasulaka yintu ya yandi;  
Kasi yandi kufwaka na Kimpeve, yandi pesaka  
mpeve,  
Mpe kwendaka vukana na bayankaka, bayina  
pesaka baluzingu ya bawu.

Landilaka na kubasika mingi na menga. . .  
Nsangu ya mbote ya Mpeve-Santu yayi, ya ke  
na kubasika mingi na menga,  
Menga ya bilandi yina kufwaka samu na  
Kieleka,  
Nsangu ya mbote ya Mpeve-Santu yayi, ke na  
kubasika mingi na menga.

Ya kele na Pierre mpe Paul, mpe Jean ya  
ntumwa,  
Ba pesaka baluzingu ya bawu samu Nsangu ya  
mbote yayi lezima;

Ba vukisaka menga ya bawu, na baprofete ya  
ntama,  
Na yawu Ndinga ya kieleka ya Nzambi lendaka  
tubama na kieleka.

Ke landila na kubasika mingi na menga, yinga,  
ke basika menga,  
Nsangu ya mbote ya Mpeve-Santu yayi, ya ke  
na kubasika mingi na menga,  
Menga ya bilandi yina kufwaka samu na  
Kieleka,  
Nsangu ya mbote ya Mpeve-Santu yayi, ya ke  
na kubasika mingi na menga.

Mioyo na yisi ya autel, ke dila, “Tii wapi  
ntangu?”

Samu ti Mfumu pesaka kitumbu na bayina  
salaka yimbi; (Beno kuwa.)

Kasi ya ke vwanda na mingi yina ke pesa  
menga ya luzingu ya bawu,  
Samu na Nsangu ya mbote ya Mpeve-Santu  
yayi mpe kifuluka ya yawu ya mbwaki.

Oh, ya ke na kulandila na kubasika mingi na  
menga, yinga, ya ke na kubasika mingi na  
menga,

Nsangu ya mbote ya Mpeve-Santu yayi, ya ke  
na kubasika mingi na menga,

Menga ya bilandi yina kufwaka samu na  
Kieleka,

Nsangu ya mbote ya Mpeve-Santu yayi ke na  
kubasika mingi . . .

<sup>231</sup> Bantu yikwa kele na kyese na suka yayi yina beno kuzwaka  
Mpeve-Santu? Beno telemisa maboko ya beno. Ya kele mbote ve?  
Kieleka.

Ya ke na kubasika mingi . . .

<sup>232</sup> Beno pesana maboko na nkundi ya beno ya kutelama pene-  
pene ya beno.

. . .kubasika mingi na menga,

Beno tuba, “Lukumu na Mfumu, mpangi-bakala, samu na  
mambote ya Yandi nionso.”

. . .Nsangu ya mbote ya Mpeve ke na kubasika  
mingi na menga,

Oh, menga ya bilandi yina kufwaka samu na  
Kieleka,

Yayi . . .

Nzambi sakumuna nge, mpangi-bakala. Nzambi sakumuna  
nge.



. . .Nsangu ya mbote ke na kubasika mingi na menga.

Oh, ya ke na kubasika mingi na menga . . .

Yawu yina. Beno telemisa maboko ya beno.

. . .ya ke na kubasika mingi na menga,  
Nsangu ya mbote ya Mpeve-Santu yayi ke na  
kubasika mingi na menga,  
Menga ya bilandi yina kufwaka samu na  
Kieleka,

Nsangu ya mbote ya Mpeve-Santu yayi ke na  
kubasika mingi na menga.

Ya ke na kubasika mingi na menga, (Alleluia!)  
kubasika mingi na menga,

Nsangu ya mbote ya Mpeve-Santu yayi, oh,  
Yawu ke na kubasika mingi na menga,  
(...?..)

. . .na menga, yinga, Yawu ke na kubasika  
mingi na menga,

Nsangu ya mbote ya Mpeve-Santu yayi, ya ke  
na kubasika mingi na menga.

Muntu nyonso kuyimba yawu!

Menga ya bilandi . . .

<sup>233</sup> Nzambi sakumuna nge, mpangi-kento. [Mpangi-kento me tuba, "Mpangi Branham...?..—Mu.] Yinga. ["...?.. bamvula tatu me luta."] Mbote mingi! Kiese mingi na kuwa yawu. ["Yandi tubaka na munu, kana mu vwandaka na siansi ya kutuba na nge, samu na kutuba na nge, 'Mbote.'"] Nzambi sakumuna!

<sup>234</sup> Ba sambilaka kaka samu na mama mosi, yandi vwandaka tambula ntangu yayi bamvula tatu, ke kembila Nzambi.

Ntangu yayi beto yimba nkunga yayi ya mbote ya ntama. Bantu yikwa ke zolaka yayi?

Lukwikilu na Tata, lukwikilu na Mwana,  
Lukwikilu na Mpeve-Santu, tatu na kati ya  
Mosi;

Mbote mingi, mpangi-kento, pesa yawu.

Lukwikilu na . . .Mwana,  
Lukwikilu na Mpeve-Santu, tatu na kati ya  
Mosi;

Bampeve ya yimbi ke tekita, mpe misumuki ke  
vumbuka:

Oh, lukwikilu na Yehowa ke sala nyonso . . .

<sup>235</sup> Bantu yikwa ke zolaka nkonga ya bantu ya mbote mutindu yayi? Na yina, Nzambi sakumuna nge, mpangi-kento. Beto nionso yimbila ntangu yayi. Bantu nionso, na zulu ya ndinga

ya bawu. Nzambi sakumuna nge, mpangi-kento. Matondo na nge, mpangi-kento. Nzambi sakumuna nge. Amen. Nzambi sakumuna nge. [Mpangi-bakala mosi ke tuba na Mpangi Branham—Mu.] Yinga. Amen. Amen. Nzambi sakumuna nge. Nzambi sakumuna nge.

<sup>236</sup> [Mpangi-kento mosi ke tuba na Mpangi Branham—Mu.] Nzambi sakumuna nge, mpangi ya munu ya kento ya luzolo. Nzambi sakumuna nge, mpangi-kento.

<sup>237</sup> [Kisika ya mpamba na bande—Mu.] . . . maboko ya beno, mpe beno yimba yawu ntangu yayi.

Nzambi vwanda na beno tii beto ke kutana . . .

<sup>238</sup> Nzambi sakumuna nge, Mpangi-kento Kelly. Mu ke na kiese mingi na kumona nge awa! [Mpangi-kento Kelly ke tubaka na Mpangi Branham—Mu.] Kieleka. Nzambi sakumuna nge.

<sup>239</sup> Bantu nionso zaba nani yayi ke na kuboka. Ya kele Mpangi-kento Kelly. Beno zaba, yandi vwandaka . . . Dyabulu mekaka na kufwa yandi awa, na kisumbula ya tomabilu, mpe nataka yandi kuna na lupitalu, ya muvimba ya kuzengana, mpe yandi tubaka ti yandi ke tambula ata fioti ve, mpe nionso yina. Kasi, lemvo ya Nzambi! Yandi vwandaka yina belukaka. Ya ke wakana mutindu Armée du Salut awa na suka yayi. Beto kumisa Mfumu na yandi, beto nionso! Beno nionso me kwisa, beno kutana na Mpangi-kento Kelly, mpe beno pesana mbote na yandi mutindu beno ke luta kuna.

<sup>240</sup> Mu zaba ti beno nionso kele na kiese na kumona mpangi ya beno ya kento. Mpe, awa, me kulumuka mpe me pesa yandi mbote, kaka awa na autel. Beno nyonso ke sala, muntu nyonso. “Kiese na kumona nge!” Mbote, lukumu na Mfumu!

Tii beto ke kutana! tii beto ke kutana!

Nzambi vwanda na beno tii beto ke kutana  
dyaka!


Mpangi Neville.

Tii beto ke kutana! tii beto ke kutana!

Tii beto ke kutana na makulu ya Yesu; (Tii beto  
ke kutana!)

Tii beto ke kutana! tii beto ke kutana!

Nzambi sakumuna nge, Mpangi Neville. Amen. Nzambi sakumuna nge.

<sup>241</sup> Beto telama mpe beto kulumusa bayintu ya beto na mwa ntangu fioti, beno zola, na yina mpangi-bakala ke bika beto. Beno kulumusa bayintu ya beno na mwa ntangu fioti na kisambu. Mpangi Neville, kana nge zola. 

56-0603 Buku Ya Luzingu Ya Mwana-dimeme  
Branham Tabernacle  
Jeffersonville, Indiana U.S.A.

KIKONGO-KITUBA

©2024 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Luzabusu samu na kubasisa mikanda

Muswa nionso kele ya yandi. Muntu nionso lenda kubasisa buku yayi na masini ya yandi ya yinzo samu na yandi mosi, to kukabula yawu ya mpamba, mutindu kidadilu samu na kumwangisa Nsangu ya mbote ya Yesu Klisto. Ba lenda tekisa buku yayi ve, kubasisa yawu na lutangu ya kulutila mingi, kutula yawu na site internet, kubumbisa yawu na kibumbulu ya bansangu, kubangula yawu na bandinga yankaka, to kulomba mbongo kukondwa muswa yina me sonama na Voice Of God Recordings®.

Na yina me tadila bansangu ya kulutila mingi to samu na yina me tadila bisadulu, beno sonikila:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)